

**ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС  
ТАЪЛИМ ВАЗИРЛИГИ**

**НИЗОМИЙ НОМИДАГИ ТОШКЕНТ ДАВЛАТ  
ПЕДОГОГИКА УНИВЕРСИТЕТИ**

**Ў. ШАРИПОВА**

**ЮМУШ ФЕЪЛЛАРИНИНГ  
МАҲНО ВАЛЕНТЛИКЛАРИ**

**(Ўқув кўлланма)**

**ТОШКЕНТ - 2012**

Мазкур ўқув кўлланма Тилшунослик фанининг Семасиология бўлимига бағишлиган. Унда валентлик назарияси, феъл валентликлари ва уларнинг ифодаловчилари хақида маълумотлар берилган. Ҳар бир валентликнинг имкониятлари мисоллар ва далиллар билан ёритиб берилган. Валентлик назариясининг Грамматика, Матншунослик ва Семантика бўлимларининг ўзаро структурал боғланишига таъсири борлиги кўрсатилган.

Ушбу ўқув кўлланмадан филология факултети магистрантлари, талабалари ва мутахассислари фойдаланишлари мумкин.

*Масъул муҳаррир:* М.Миртожиев – ф.ф.д. проф.;

*Тақризчилар:* Р.Расулов – ф.ф.д. проф.;  
С.Муҳамедова – ф.ф.д. проф.

## СЎЗ БОШИ

Ўтган асрнинг иккинчи ярмидан бошлаб сўз маъносини тадқиқ этиш тилшуносликнинг дикқат марказига ўтди. Айниқса, 60-йиллардан кейин кенг доирада тадқиқ этила бошланди. Бу сўз валентлигини ўрганишни ҳам юзага келтирди. Сўз валентлиги, бизга маълумки, сўз маъносининг таркиби билан узвий боғлиқдир. Сўз гапда кўлланган маъноси қандай таркибга эга бўлса, шунга мутаносиб равиша ўз валентлиги билан юзага чиқкан бўлади. Шунинг учун ҳам Э.М.Медникова сўзнинг маъно таркиби бирламчими ёки унинг валентлиги бирламчими, деган масалани илгари суриб, бу баҳс гўё олдин нима бўлган, товуқми ё тухум, деган баҳсга ўхшайди, деб кўрсатади. Олима семасиология сўзнинг синтагматик ва парадигматик хусусиятларидан келиб чиқади, бунда сўз маъноси етакчилик қилиши шарт, деган фикрга келади<sup>11</sup>.

Ҳакиқатан, фалсафада қайд этилишича, ҳар қандай жисмнинг хусусияти шу жисм муносабатга киришганида юзага чиқади. Сўзнинг нутқ учун танланган маъносига хос мантикий таркиб унда илгаридан бўлади. У алокага киришгач, бирикмаларда юзага чиқади. Р.А.Будагов ҳам худди шу фикрни илгари сурган.

Ҳар бир сўзнинг маъно валентликлари потенциал имконият бўлиб, у факат нутқда юзага чиқиши мумкин, лекин, албатта, тил қонуниятига тўла мос келади. Ана шу мутаносиблик ва номосликлар олимларни қизиқтиради.

Кўринадики, сўз маъносининг мантикий таркиби бирламчи бўлиб, шу асосда унинг валентлиги шаклланади. Демак, сўз маъносининг мантикий таркиби билан унинг валентлиги ўтрасидаги муносабат ҳақидаги фикрлар анча тортишувли бўлиб, у ҳали давом этмоқда.

Ҳар қандай ҳолда ҳам сўз маъносининг мантикий таркиби ва сўз валентлиги ўзаро жипс боғланган тил фактлариidir. Уларнинг бирини иккинчисисиз тадқиқ этиб бўлмайди. Бунинг устига, сўз валентлиги ўрганилар экан, у бирикмаларни ўрганиш учун ҳам тадқиқотчига калит беради. У бу калит воситасида бирикмалар сирининг мазмун билан боғлиқ томонини очиш имкониятига эришади.

Машхур немис тилшуноси Г.Хельбиг: “Синтактик валентлик қолипи (асосан феълларда) ҳам синтактик, ҳам семантик куршовни белгилайди, лекин кейингиси фақат умумий маъно белгилари (аникログи архисема) ёрдамида аникланади”, деган эди ўз вақтида.<sup>23</sup>

Феъл валентлигини тадқиқ этиш гап қолилларини белгилаб чиқиш учун асос беради. Гап қолилларини белгилаш эса ҳозирги машина таржимасини яратиш учун қилинаётган ҳаракат даврида катта аҳамиятга эга.

Юмуш феъллари валентлигини тадқиқ этиш анча кенг доирани ўз ичига олади. У агенсдан ташқари контрагент, объект, пациентс, восита каби зарурый валентликларга ҳам эга. Бу деган сўз ушбу феъллар иштирокида тузилган гап бир қатор бўлаклардан таркиб топади. Шу феъл валентлигини тадқиқ этиш ушбу бўлаклар билан уларнинг семантикаси ўртасидаги алоқаларни аниклашдир. Бу орқали мазмуний синтаксис учун салмоқли ҳисса қўшилади.

Ўзбек тилшуноси С.Усмонов таъкидлаганидек, “Тил нутқ сифатида намоён бўлгандагина маълум функцияни бажариши мумкин”<sup>25</sup>. Бунда турган гапки, сўзларнинг нутқда кўлланиши, сўзлар имконияти ва хусусиятларининг юзага чиқиши эътиборда тутилади. Сўзлар грамматик қолип тақазо этган ҳар қандай сўзни эмас, балки унинг маъноси талаб қилган сўзларнигина қабул қиласди. Яъни у шу томонларни ҳисобга олган ҳолда сўзларни сайлаб олиб, алоқага киришади. Сўзлардаги бу хусусият жуда илгаридан бошлиб хис қилинган. Масалан, М.Кошғарийнинг “Девону луготит турк” ва Замахшарийнинг “Муқаддиматул-адаб” лугатларига ҳам эътибор бериш мумкин. Уларда маълум сўз тушунтирилмоқчи бўлинар экан, иккинчи тилдаги нусхаси аниқ чиқмаса, шу сўзларниг маъносини очиш мақсадида бирикмалари келтирилади. Бу бирикмалар ўша сўз маъносининг мантикий қисмларини очища роль ўйнайди. Лугатчиликдаги бу анъана дунё лугатчилигининг ҳозирги даврида ҳам ўз қимматини йўқотган эмас. Ҳозир ҳам давом этиб келмоқда. Шунинг учун ҳам В.Виноградов ўзининг лингвистикага бағишиланган асарларида сўзлар боғланишига оид кўп қимматли фикрларни айтиб ўтган.

Кейинги вақтда сўзларнинг ўз маъно хусусиятига кўра сайлаш усули билан бошқа сўз билан муносабатга киришуви сирини дифференциал семантик усул бўйича асослаб берилди. Бунда ўзаро боғланиб келувчи сўзлар ўз маъноларининг мантикий узвларидан

бири асосида айнан мос келади, деб кўрсатилади. Бундай маъно узвари классема атамаси билан берилган.

В.Г.Гак эса уни синтагмема атамаси билан қайд этади<sup>4</sup>. Масалан, “стулда ўтирибди” бирикмасида стул сўзи ‘мебель’ ‘суюнчили’ ‘сатҳ’ ўтирмоқ сўзи эса тик ‘қад билан’ ‘сатҳда’ ‘жойлашмок’ семаларидан таркиб топган. Уларнинг ‘сатҳ’ семаси бир хил. Шунга кўра мазкур бирикма тузилган. Шу бир хил сема классема ҳисобланади. Кўринадики, сўзлар маълум сўз билан бирикар экан, ўз маъносининг мантикий узварида бири билан бир хил бўлган узви маънога эга сўзни танлаган бўлади. Худди шу фикр ўзбек тилшунослигига ҳам такрорланган бўлиб, уни Ш.Рахматуллаев ва Р.Юнусовларнинг ҳамкорликда эълон қилган мақолларида кўриш мумкин. Бу мақола классема ҳақидаги илк тадқиқотларданdir<sup>19</sup>. В.Каримжонова эса шу масалага асосланиб, бир қатор мақолалар эълон қилди. Буларда кўпроқ ўрин келишикли феъл бошқарувидаги бирикмалар маъноси ва классемаси таҳлил қилиб берилади. Мазкур муаллиф юқоридагилардан фарқли равишда, бирикма классемаси бирикманинг ҳоким компоненти бўлган феълнинг қайси валентлигига асосланишини кўрсатади<sup>5</sup>.

Аслини олганда, сўзнинг ўз маъноси имкониятидан келиб чиқиб, бошка сўзни бирикма учун танлаш имконияти унинг валентлиги ҳисобланади. Бу барча тилшуносликларда қайд этилган. Валентлик термини дастлаб француз тилшуноси Л.Тенъер томонидан кўлланилган бўлиб, бунда у химиядаги шу терминнинг кўлланиши моҳиятидан келиб чиқсан эди. Тенъер сўз валентлигини маъносига кўра таснифлар орқали эмас, рақамлар билан кўрсатиш орқали берган. Масалан, бажарувчини I-рим рақамида, объектни II-рим рақамида ва ҳоказо ҳолда қайд этиб кўрсатади. Шундан кейин валентлик ҳақида тадқиқотлар кенг ёйлади. Айниқса, немис тилшунослигига унга катта эътибор билан қаралди. Бунда валентлик сўз маъноси билан боғлиқ эканлиги дикқат эътиборда туради. Бу масала тезлик билан рус тилшунослигига, кетма-кет ўзбек тилшунослигига ҳам кириб келди. Ўзбек тилшунослигига маълум маъно майдонидаги феъллар олиниб, уларнинг валентлиги таҳлил этилди. Бу соҳада, айниқса, И.Қўчқортов ва Р.Расуловларнинг докторлик диссертацияларини кўрсатиш мумкин.

И.Қўчқортовнинг докторлик диссертациясида нутқ феъллари танланиб, бу феъллар маъноларининг оралиқ узварига кўра тасниф қилинади. Кейин алоҳида бобда уларнинг валентликлари

тадқик этилади. Валентликлар тадқики аввалги бобдаги таснифга асосланган ҳолда олиб борилган. Равшан Расуловнинг докторлик диссертациясида ҳолат феъллари олиниб, ишнинг кириш қисмидаги шу феъллар маъносининг асосий узви бўйича характерлаб берилиб, кейин оралиқ узвлари бўйича тасниф килинган. Ниҳоят, фарқланувчи узвлари нимадан иборат бўлиши кўрсатилган<sup>16</sup>.

Ишнинг асосий қисмидаги ҳолат феъллари валентлиги тадқик этилар экан, шу валентликлар ҳолат феъллари маъноларининг таҳлил этилган узвларига асосланганлиги ҳам назарий, ҳам амалий жиҳатдан исботлаб берилади. Шу орқали тадқиқотчи Г.Хельбиг томонидан илгари сурилган сўз маъноси узвлари асосида валентлик, валентлик асосида гап қолипи юзага келиши ҳакидаги фикрни қувватлайди. Шу асосда яна Т.Мусаевнинг сезги феълларининг валентлиги ҳакидаги номзодлик диссертацияси юзага келди.

Кўринадики, валентликларнинг тадқик этилиши дунё тилшунослигида ҳам, асосан, феъллар доирасида бўлган. Чунки феъл, деярли гапнинг кесими вазифасида келади. Ўзбек тилшунослигида валентликни тадқик этиш феъл доирасидан четга чиқди. К.Ҳакимов “Содда гап қолипли фразеологизмларнинг зарурый валентлиги” мавзусида иш олиб борди<sup>29</sup>. Бунда у валентликнинг яна бир ўзига хос хусусиятини очиб берган. Содда гап қолипли фразеологизм валентлигини унинг таркибидаги феъл ёки етакчи бўлак белгилайди. Бу феъл ёки етакчи бўлакнинг валентлиги фразеологизмнинг бошқа бўлаклари томонидан ёпилган бўлса, фразеологизм бу валентлик билан қайта реализация килиниши мумкин эмас. У ҳолда ўзига мос бўлмаган бирор бўлакда юзага чиқиши мумкин. Кўринадики, гап қолипли кесим вазифасидаги феъл валентлигига, феъл валентлиги ўз маъносининг узвларига ҳар қандай ҳолатда ҳам қатъий боғлик бўлади. Юкорида сўзнинг ташқи валентлиги ҳакида фикр юритдик. Унинг ички валентлиги ҳам мавжуд. У шундан иборатки, сўзнинг ўзаги асосида янги сўз ясалар экан, ясовчи қўшимчаларнинг қўшилиши шу ўзакнинг имкониятидан келиб чиқади. Бу имконият ўша сўзнинг ички валентлиги хисобланади. Шунингдек, қўшма сўз яалиши ҳам сўзлардаги шу имконият билан боғлик ҳолда юзага чиқади. Бу ҳақда эса ўзбек тилшунослигида М.Жўрабоевнинг ишларини мисол келтиришимиз мумкин.

Сўз валентлигини тадқик этиш ўзбек тилшунослигига анча кенг тарқалган. У ўзининг бир қатор тадқиқотчиларига ҳам эга бўлиб олган. Мазкур иш ҳам шу тадқиқотчилар ишининг давоми ҳисобланади. Биз уч гурухга ажратилган ҳаракат феълларидан бирини танлаб, шу феъллар устида тадқиқот ишларини олиб борганимиз. Ҳаракат феъллари қуидаги гурухларга бўлинади:

1. Йўлланма ҳаракат феъллари.
2. Юмуш феъллари.
3. Кечим феъллари.

Ушбу иш юмуш феълларининг семантик валентлигига бағишлиланган. Юмуш феъллари бирор бир фаолиятни ифодаловчи иш-ҳаракатни билдиради. Бунда ҳаракат иш жараённада бирор бир нарсага ўтади ва шу нарсада ўзгариш содир этади. Юмуш феъллари ўзининг маъно тузилиши билан бошқа феъллардан фарқ қиласди. Бунда бажарувчи, бажарувчига кўмаклашувчи, иш бажарилиши объекти кабилардан ташқари сўз маъноси таркибида яна иш бажариш воситасини билдирувчи курол ифодаси ва феълларнинг кўпинча каузативли бўлиши характеристидир. Шунга кўра бошқа валентликларнинг ҳам реаллашишида хосланишлар юзага келган. Шу хосланишларни очиб бериш, тадқик этиш ишда асосий диққат марказини эгаллайди.

Юмуш феъллари қуидаги семантик валентликларга эга:

1. Агенс.
2. Контрагент.
3. Объект.
4. Пациенс.
5. Восита-курол.
6. Адресат.
7. Ўрин.

## ЮМУШ ФЕЪЛЛАРИНИНГ АГЕНС ВАЛЕНТЛИГИ ВА УНИНГ ИФОДАЛАНИШИ

Юмуш феълларининг семантик валентиклари ҳақида гап борар экан, аввало, агент валентлиги ҳусусиятлари билан танишиб чиқамиз. Юмуш феълларининг агенси гапда асосан эга вазифасида келади. Юмуш феълларининг семантик курилиши таъсирида агенси доим шахс ифодаловчи сўз бўлади.

Юмуш феълларининг маъно таркибини тузсан, уларнинг ҳаммасига “онг эгаси томонидан” узви ҳос бўлади. Бошқачароқ айтганда, юмуш феъллари билдирган иш-ҳаракат “онг эгаси томонидан”, яъни инсонлар томонидан амалга оширилади. Шунинг учун юмуш феълларининг бажарувчиси доим шахс билдирувчи сўзлар бўлади. Баъзи ҳолларда агент шахс билдирмайди, лекин онгли ҳаракат англишилиб туради. Масалан, **комбайн ўрди**. Ўрмок феъли билдирган ҳаракат онгли равишда бажариладиган иш. **Комбайн** ўзича шу ҳаракатни бажармайди. Уни одам бошқаради, кейин комбайн ўради. Демак, барибир бажарувчи одам бўлиб қолади.

Шу ўринда юмуш феълларини ҳолат феъллари билан қиёслайлик. Ҳолат феълларида умуман ҳаракат йўқ. Ҳолат феъллари билдирган жараён одамларгагина ҳос эмас. Уларда агент турли предметлар, жоноворлар ва шахс бўлиши мумкин. Масалан, арава турибди, **мушук ухлади, девор қулади** каби.

Агент фақат шахсни билдирад экан, у турли маънодаги сўзлар бўлиши мумкин. Бу жиҳатдан уларни қуидаги гурухларга ажратамиз:

1. Агент вазифасидаги сўзлар шахс билдирувчи атоқли отлар бўлиб, улар яна қуидаги маъноларни билдиради:

1) исм билдирувчи атоқли отлар бўлади. Масалан, Холпош хола бир зумда дастурхон ёзди. (Ў.Хошимов). Норқўзи машинага ўғит ортди (Ҳ.Ғулом)... Сиддиқжон анхорнинг нариги ёғида анжир очаётган бўлиб.. (А.Қаҳҳор). Бу гаплардаги ёзмок, ортмок, очмок феълларининг агенси сифатида **Холпош хола Норқўзи ва Сиддиқжон** атоқли отлари келган.

2) одамлар лақабини билдирувчи атоқли отлар бўлади. Масалан, Тақа мўйлов эса уй ичидаги майда мих билан деворга сим қоқа бошлади (Ў.Умарбеков). Илҳомча ҳовуз бўйига палос ташлаб, гўшт пиёз тўгради (Ҳ.Ғулом). Биринчи гапда Тақа мўйлов сўзи йигит

белгисининг лақаб тариқасида ифодаланишидир, иккинчи гапда эса **Илҳомча-кичиклик маъноси қўшилган ном гапнинг агенсидир.**

3) халқ мифологиясига биноан айрим образни билдирувчи отлар бўлади. Масалан, Афанди ёнғоқни пичоқ билан икки бўлди (Латифалар).

2. Агенс қариндош-уруғчилик номларини билдиради. Масалан, Дадам икки-уч йилдан бўён чўлда бульдозер ҳайдаб ер текислайди (Х.Тўхтабоев). Ойим бўлса уйимиздан уч юз метр наридаги фермада сигир соғади (Х.Тўхтабоев). Самандаровнинг хотини вайсаб юриб чой қўйди (А.Қахҳор). Бу гаплардаги агенс дадам, ойим, хотини сўzlари бўлиб, улар эгалик қўшимчалари билан келган.

3. Агенс шахс билдирувчи турдош отлар билан ифодаланади. Масалан, Кишилар масжид, мадраса солгандা, биз бир етим боқсан арзимайдими (А.Қодирий)... одамлар намат устига ёйилган кумларни қоқиб тушира бошладилар (М.Осим). Шўх қизларимиз гўнг ташийди (Х.Ғулом). Бу гаплардаги агенс вазифасида **кишилар, одамлар, қизлар сўzlари келган.**

Ўзбек тилида аввал эга, кейин кесим келади. Баъзан гапнинг модал маъносига кўра ёки поэтик талабга кўра булар ўрин алмашинади. Масалан, кийимини ҳам ёқадими киши (Латифалар). Бу гапда инкор модал маъносига кўра эга ва кесим ўрин алмашган ва "киши кийимини ёқмайди" деган маъно шундай чиройли ифодаланган. Ана шу киши сўзи бу гапнинг агенсидир.

4. Юмуш феълларининг агенси касб билдирувчи номлар билан ифодаланади. Масалан: Йигирма бир ёшга кирган ёш олим кутри (диаметри) етти газ келадиган катта глобус ясади (М.Осим). Беруний қасрга яқинлашганда туғ кўтариб қиличларини қинларидан сутуриб овозлари борича бакириб сўқинаётган аскарбошиларни кўрди. (М.Осим). Ғуломбаччанинг амрига бўйсунган усталар кўргонни худди у айтгандай ва ундан ҳам зиёдрок килиб тайёрладилар (Ўзбек халқ эрт). Бу гаплардаги **олим, усталар, аскарбошилар** сўzlари агенс вазифасидаги сўzlардир.

5. Юмуш феълларининг агенси вазифасида олмошлар бўлиши мумкин. Бунда улар кишилик олмошлари, ўзлик олмоши ёки ким сўроқ олмоши бўлиб, турли шахс-сонда келади. Масалан: Гўнг билан чикиндиларни мен катта челакка солиб турдим (Х.Тўхтабоев). Сен урушдан ҳассани шу ниятда кўтариб келувдингми? (А.Қахҳор). У кир осадиган арқон билан маҳкам ўраб

ташлади (Ў.Умарбеков). Улар станцияга аравалар извошларда катта-катта чамадонлар, қоплар, кўрпа ёстикларгача ортиб келишди. (Х.Ғулом). Юқоридаги мисолларда кишилик олмошлари агенс вазифасида келган. Сигирларни ким соғади? (Х.Тўхтабоев). Бу гапда ким сўроқ олмоши соғмок феълининг агенси вазифасида келган. Шу жой жуда зарур бўлса, кунлар юришиб кетганда, ўзимиз омоч билан чопиб оламиз (Ў.Умарбеков). Бу гапда агенс вазифасидаги сўз ўзимиз бўлиб, аслида биз ўзимиз маъносида шахсни ифодалайди.

6. Юмуш феълларининг агенси вазифасида отлашган сўзлар ҳам келади. Улар сифатдош, сифат ёки сон туркумларига оид бўлиб, маъносидан шахс англашиб туради: Иккови сўрига ўтириб, кўсак чувийди (А.Қаҳҳор). Муштумзўрлар мол-мулкини яшираётганини, от-увовини сўяётганини айтди (А.Қаҳҳор). Баъзи жойларга тўрт - беш мартараб чигит экишди азаматлар (Ў.Усмонов). Биринчи гапда жамловчи сон икков чувимоқ феълининг агенси вазифасида келган. У шахсни англатади. Кейин гапларда отлашган сифат, яъни муштумзўр ва азамат сўзлари сўймоқ ва экмоқ феълларининг агенси вазифасида келган.

7. Юмуш феълларининг агенси вазифасидаги сўз бир нечта мисолда шахс ифодаламайди. Бу гапларда агенс вазифасидаги сўзлар чўл, трактор ва тепловоз бўлиб, улар куйидагича изоҳланади. Масалан: Чўл баҳор келинчаги оёги остига безалган яшил поёндозини ёйиб ташлади. (М.Осим). Бу гапда ёймоқ феълининг агенси вазифасида чўл сўзи келган. Фикрни образли ифодалаш мақсадида автор жонсиз предметни, яъни чўлни жонлантириб тасвирлаган. Демак, феълнинг асосий семаси “ижро” бу гапда ҳам сақланиб қолган, фақат аллегорик образ-чўл унинг агенси бўлиб келган. Бундай ҳолни биз ҳар қандай аллегорик образлар берилган эртакларда ҳам учратишими мумкин. Маслан, Шайтон ўроқ билан пояни ўриб олди (ўзбек халқ эртаги). Тулки бўрининг олдига дастурхон солди (Ўзбек халқ эртаги). Бу гапларда шайтон ва тулки сўзлари шахс хусусиятлари кўчирилган аллегорик образлар бўлиб, ўрмоқ ва солмоқ феълларининг агенсиидир.

Трактор бир ярим кун ишлаб тизза бўйи ҳайдаб берибди (А.Қаҳҳор). Тепловоз сўнгти марта қичкириб составни тортиб кетди (Х.Ғулом). Кўриб турибсизки, юмуш феълларининг агенси транспортни билдирувчи сўзлар бўлиши ҳам мумкин. Бироқ

мантиқан қараганимизда транспорт воситаси ёки техника ўз-ўзидан иш бажармайды. Уни инсон иш бажаришга киришиди. Инсоннинг онгли ҳаракати ва бошқаруви ёрдамида техника воситаси ишни амалга оширади.

Демак, бу гаплардаги трактор ва тепловоз сўзлари ҳайдамоқ ва тортмоқ феълларининг агенси вазифасида кўлланган.

8. Агенс курилмадан иборат бўлиши ҳам мумкин. Бунда агенс вазифасидаги курилма таркибида аниқ шахс билдирувчи от (байзан атоқли от) ва таъкидлаш мақсадида олмош ёки изохловчи сўз бўлади. Масалан: Яхшибой аканинг ўзи сизга чўлдан юз гектар ҳайдаб берарди (Ў.Умарбеков). Бу гапда агенс вазифасидаги курилма **Яхшибой аканинг ўзи** бўлиб ўзлик олмоши агенси таъкидлаш мақсадида кўлланган.

Биз ака-укалар сув сепамиз (Ў.Хошимов). Оёғимдаги туфлини Шокир деган битта оғайним тикиб берган (Х.Тўхтабоев). Бу мисолларда ҳам агенс биз **ака-укалар, Шокир деган битта оғайним** курилмаларидан иборат.

Юкорида кўриб чиқкан мисолларимизнинг ҳаммасида эга эксплицит ифодаланган. Байзан эга имплицит бўлган мисолларни ҳам учратиш мумкин. Бунда эга гапда ифодаланмаган ҳолда контекстдан англашилиб туради. Шахс билдирувчи сўз маъноси алоқадорликка асосан бошқа сўзга кўчади. Натижада эга шахс билдирувчи сўз бўлмай фақат шу юмуш феъли англатган ишнинг гапдаги бажарувчиси маъносини беради. Отлашган сўзлардагидек унда умуман эганинг тўлиқ маъноси ифода топмайди. Бундай гапларда юмуш феълларининг агенси вазифасидаги сўзлар актуализаторлар бўлиши мумкин. Масалан: Тўқайнинг қамишини район саноат комбинати ўриб кетадиган бўлди (Х.Фулом). Бу гапдаги ўрмоқ феълининг субъекти – **комбинат ишчилари** хисобланади. Бу ерда алоқадорликка асосан **ишчилар** сўзи тушиб қолиб, унинг вазифаси **комбинат** сўзига ўтган. Натижада **комбинат** ўрди кўринишидаги предикатив муносабат пайдо бўлган.

Гапда агенс имплицит бўлар экан, буни биз олмошлар билан рамзий ифодалай оламиз. Бунда контекстдан, яъни феълнинг шахс-сонига асосан эганинг ҳам шахс-сонини билиб оламиз:

1. Имплицит ҳолдаги агенс гапларда II шахс бирлиқда бўлади. Тез учар самолёт ясаётибман (А.Қаҳҳор). Ўқитувчилар хонасининг

эшигини очдим (Ў.Хошимов). Бу гаплардаги семантик агенс мен олмоши бўлиб у синтактик шаклланмаган.

2. Имплицит ҳолатдаги агенс гапларда I шахс кўплиқда бўлади. Мана бу михланган ёғочларни кўчириб ташлайлик. (П.Қодиров). Кеча туни билан селхона қазидик (Ҳ.Ғулом). Бу гапларда агенс вазифасида кела олиши мумкин бўлган сўз биз олмошидир.

3. Имплицит ҳолдаги агенс гапларда 2 шахс бирлиқда бўлади. Новдан ёшлиқда эггин эди. (Ў.Умарбеков). Хув кўлга бориб, балиқ овла (М.Ҳазраткулов). Бу гаплардаги агенс вазифасида имплицит сен олмоши англашилади. Бундай гаплар ҳамма вақт сухбатдошга нисбатан айтилади. Шунинг учун агенс сен ёки сиз (хурмат маъносида) олмоши билан эмас, ундалма орқали ифодаланади. Масалан,

-Насриддин, эшакни сугориб кел (Латифалар).

-Афанди, шуни бўяб берсангиз (Латифалар).

Биринчи гапда сен эшакни сугориб кел, иккинчи гапдан эса сиз бўяб берсангиз деган мазмундаги предикатив муносабат англашилиб туради.

Кейинги гапдаги англашилган II шахс кўплиқдаги сиз олмоши бирлиқда хурмат маъносини билдиради.

4. Имплицит ҳолатдаги агенс гапларда II шахс кўплиқда бўлади. Кўрқманг пахтангизни экаверасиз (Ў.Усмонов). Ҳайкал ҳам курингиз бамисоли ҳаёл! (А.Орипов). Лой билан минг марта ювсангиз ҳам фойдаси йўқ (Ў.Хошимов). Бу гаплардаги феълнинг шахс сони агенснинг ҳам шахс-сонини кўрсатиб туради. Бу сиз олмошидир.

5. Имплицит ҳолатдаги агенс гапларда III шахс бирлиқда бўлади. Оёғига чарм кавуш кийиб обрезда бет-кўлини ювди. (П.Қодиров). Ерни вақтида шудгорлади. (Ҳ.Ғулом). Фақат мева билан даволайди (Ў.Умарбеков). Бу гаплардаги предикациядан кўриниб турибдики агенс у олмошидир.

6. Имплицит ҳолатдаги агенс гапларда III шахс кўплиқда бўлади....ер ўчоклар қазий бошладилар (М.Осим). Сел йўлига ғов ясадилар (Ҳ.Ғулом). Бу гапларда агенс улар олмоши бўлиб у гапдаги предикациядан англашилади.

Биз агенс вазифасидаги сўзларни ўрганиб чиқар эканмиз, юмуш феълларининг семантик хусусиятлари бунда катта роль ўйнаганини кўрдик. Феълдаги “ижро” семаси туфайли ҳар доим агенс вазифасидаги сўзлар шахс ифодалашини кузатдик.

Юмуш феъллари агэнсининг синтактик хусусияти унинг деярли доим эга вазифасида келишиди.

Хуллас, юмуш феъллари соф феъл вазифасида қўлланиб, деярли гапда кесим вазифасида келади. Бунда унинг агенси феъл маъно таркибидаги “ижро” семаси таъсирида ҳар доим шахс билдирувчи сўз бўлади. Агар агенс вазифасида шахсни билдирмайдиган сўз келган бўлса, агенс:

- 1) аллегорик образ бўлиши мумкин;
- 2) шахс фаолияти кўчирилган техника восита бўлиши мумкин;
- 3) шахс билдирувчи сўз тушиб қолиб, унинг маъноси кўчган сўз орқали ифодаланиши мумкин.

## **ЮМУШ ФЕЛЬЛИ ТУРЛИ НИСБАТЛАРДА КЕЛГАНДА АГЕНСНИНГ ГАПДАГИ ВАЗИФАСИ**

Ўзбек тилидаги мураккаб категориялардан бири – бу нисбат категориясидир. Ўзбек тилидаги нисбат категориясини таърифлашда бошқа тиллардаги нисбат категорияси қонун-қоидаларга асосланилган. Бу эса бир мунча чалкашликка олиб келган. Нисбат – бу феълнинг субъект ва объект билан муносабатидир. Демак, уни ўзбек тилининг гап курилмаларини таҳлил қилиб, ичкчи қонуниятлари асосида кўриб чиқиш керак. Ҳам товуш ўзгариши, ҳам сўз тузилиши ва маъносига эътибор бериш керак бўлади.

Биз ўрганаётган юмуш феъллари турли нисбатларда келишини кўрдик. Бу ҳолларда агенс ифодаловчи сўзларнинг вазифалари ҳам ўзгаради.

1. Юмуш феъллари ўзлик нисбатида келса, ўтимсиз феълга айланади. Яъни феълнинг субъекти (бажарувчиси) билан обьекти (ўтувчиси) ўртасида куйидаги ҳолатни кузатамиз. Феъл ўзлик нисбатида ўтимсизлашади. Ўрганаётганимиз юмуш феъллари доимо ўтимли бўлиб, унинг агенс актантини ҳам, обьект актантини ҳам бор. Аммо у ўзлик нисбатида келганда, худди ҳолат феълларига ўхшаб қолади, яъни агенс актантининг ўзи обьект вазифасини ҳам бажаради. Иш ҳаракат бажарувчиси айни пайтда ҳаракатнинг ўтувчиси ҳам бўлиб келади<sup>16</sup>.

Демак, ўтимсиз феъллар билан ўзлик нисбатидаги юмуш феълларининг агенс ва обьекти битта сўзда кесишади.

Мисоллар: Азиз шунча ўраниб олса ҳам, ётган ўрни исимасди (Ў.Усмонов). Рўпарадаги уйдан яхши кийинган аёллар кўлларида идишлари билан қозон бошига қатнаб турибдилар (П.Турсун). Бу гапларда ўранмоқ ва кийинмоқ феълларининг агенси ҳам, обьекти ҳам битта, биринчи гапда Азиз, иккинчи гапда аёллар сўзларидир. Яъни Азиз ўради, ишни бажарди ўрагани бошқа бир жисм эмас, балки ўзи. Ҳаракат яна Азизга қайтяпти. Ўзлик нисбатининг энг асосий хусусияти ҳам ана шунда.

2. Юмуш феъллари мажхуллик нисбатида келганда, қандай ўзгаришлар содир бўлади? Ўзлик ва мажхуллик нисбатининг қўшимчалари бир хил -н -л. Булардан -н аффикси нокаузатив феълларга кўшилса, ўзлик нисбати, каузатив феълларга кўшилса мажхуллик нисбати ҳосил бўлади<sup>12</sup>. Мажхуллик нисбатидаги феълнинг агенси одатда имплицит бўлиб, уни контекстдан ҳам

англаш қийин. Агар биз уни контекстдан келтириб чиқарсак ҳам, у эга вазифасида бўлмайди, воситали тўлдирувчи вазифасида бўлиши мумкин. Мажхул нисбатдаги феъл маъносига эътибор берсак, иш-ҳаракат умуман бажарилганлиги ҳақида маълум қилинади, аммо унинг бажарувчиси мавхум қолади. Масалан, ўзлик нисбатидаги феълнинг шахс-сони англашилиб туради, мажхул нисбатда эса феълнинг шахс-сони номаълум бўлади. Шунинг учун имплицит ҳам дейиш қийин. Чунки агенси имплицит гапларнинг феъли қайси шахс-сонда бўлса, келтириб чиқариб, агенсини олмош билан ифодалаш мумкин. Мажхул нисбатдаги феълларнинг агенсини топиш мураккаб жараёндир. Масалан: Баъзи ерларга чигит икки мартараб экилди. (Ў.Умарбеков). Бу гаплардаги феъл маълум касбкорга оид ҳаракатни билдиргани туфайли феълнинг маъносидан келиб чиқиб, экиш ҳаракатининг бажарувчиси дехқонлар дейиш мумкин. Бу гап чигит дехқонлар томонидан экилди, шаклида берилиши ва агенс гапда воситали тўлдирувчи бўлиши мумкин эди. Гапнинг эгаси эса чигит, яъни объект актантидир.

Яна мисолларга мурожаат қиласиз, Шуларнинг тагига жой тайёрланди. (Ў.Умарбеков) Берунийнинг сўзлари оловга сепилган сувдек таъсир кўрсатади (М.Осим). Уйда нон ёпилмаганидек, бозордан ҳам сотиб олинмас эди (А.Кодирий). Бу гапларда мажхул нисбатдаги тайёрламоқ, сепмоқ, ёпмоқ феълларнинг агенсини топиш қийин, у жуда мавхумлашиб кетган. Таҳминан ёшлар томонидан, унинг орқали, Нигор ойимнинг қўли билан тарзида бериш мумкин. Бу гапларда ҳам агенс воситали тўлдирувчи вазифасида келади. Гапларнинг эгаси жой, нон бўлиб, улар феълнинг объект ифодаловчилариdir. Иккинчи гапдаги юмуш феъли (сепмоқ) гапда аникловчи вазифасида келган, шунинг учун гапнинг эгаси унинг валентлик ифодаловчиларидан эмас.

Бир мисолда агенс қўйидагида ўз ифодасини топган... айниқса сенинг қўлинг билан туғилган мантилардан жуда мамнун бўлдим, Раъно! (А.Кодирий). Бу гапда мажхул нисбатдаги тутмоқ феълнинг агенси Раъно гапда ундалма бўлиб қолган. Яна туғиш жараёнининг бажарувчини билдирган қўлинг билан бирикмаси ҳам берилган. Бу бирикма гапда воситали тўлдирувчи вазифасида келган. Фикрни бу кўринишда ифодалаш нуткда жуда кўп учрайди. Ушбу мисол мажхул нисбатдаги феълнинг агенси гапда қандай ифодаланиши мумкинлигини кўрсатади.

3. Юмуш феъллари орттирма нисбатда келса, агенс ифодаловчиси шахс билдирувчи сўз бўлади. Юмуш феълларининг ўзига хос хусусияти – маъносидаги “ижро” семасидан келиб чиқиб айтиш мумкинки, агенс актантни иккиланган шахс – бажарувчи ва бажаришга ундовчидан иборат бўлади. Бажарувчи, иш-харакатни содир этувчи шахс – пациент; бажаришга ундовчи эса шу ишни буюрган, илтимос қилган, йўл кўйган шахс – агенсдир. Баъзан ҳар иккала шахс ҳам гапда реаллашади, баъзан эса йўқ. Кўпинча гапда фақат бажаришга ундовчи – агенс реаллашган бўлиб, гапда эга вазифасида келади. Мисоллар: Ўша ўзи келиб тиллақош ясаттириб кетди (Ў.Умарбеков). Буни Полвонов билиб қолиб арzon-гаровга сотиб олган, одам юбориб ўрдириб келган эди (Ў.Умарбеков). Ҳар хафтада бир-икки мартаба қовоқ сомса ёптирмай кўймас эди (А.Қодирий). Бу гапларда орттирма нисбатдаги ясамоқ, ўрмок, ёпмоқ феълларининг агенти ўзи, Полвонов сўзлари бўлиб (учинчи мисолда агенс имплицит), гапда эга вазифасида келган ҳаракатга ундовчиидир. Иш-харакатни бажарувчи факат бир гапда ўз ифодасини топган, яъни иккинчи гапдаги одам юбориб сўз бирикмасига эътибор беринг. Шу одам сўзи иш-харакатни бажарувчи – пациент бўлиб, гапда воситасиз тўлдирувчи вазифасида келган. Бу гапларда агенс, яъни бажаришга ундовчининг 2-планга ўтиши юмуш феълларининг маъно тузилишидан келиб чиқади. Юмуш феълларининг маъно тузилишидаги “ижро” узви иш-харакат бажарилишида бажаришга ундовчидан кўра бажарувчининг фаоллигини оширади. Шунинг учун ҳар бир мисолимизда кечим-натижа биринчи планда бўлиб, сабаб кечими иккинчи планга ўтади, яъни 1-субъект ҳаракатни бажаришга ундовчи бўлиб қолади, ҳаракатни эса 2-субъект бажаради. У гапда воситали тўлдирувчи вазифасида келади. Масалан: Мен Найманчани буздириб ташлардим (Ў.Умарбеков). Бу гапда Мен – агенс ифодаловчиси, аммо иш-харакатни бажармайди, факат шу ишни буюради, кимдир уни бажаради. Бу ҳолат орттирма нисбатли феъллардаги дистант-каузация деб аталади.

4. Юмуш феълларининг биргалик нисбатида келиши ҳам кўп учрайди. Биргалик нисбатидаги ўтимли феъллар бисубъектли бўлиб, бири иккинчисига кўмаклашганлик маъносини беради. Ўтимли феълларда бисубъектлилик аввалги ҳодиса бўлиб, поли-субъектлилик кейинги келиб чиқсан ҳодиса сифатида қаралиши керак.

Маслан, ... қолган ўлжаларни шогирди билан баробар бўлишди. (Х.Ғулом). Бу гапдаги бўлишди феълининг агенси имплицит у маъносида бўлиб гапда эга вазифасида келган. Яна шу гапда **шогирди билан** биримасидаги **билан** бу ерда кўпроқ боғловчи вазифасида келган. Иш-ҳаракат бажарувчилари **шогирд ва** у сўзлари бўлиб, улар иш-ҳаракатни навбатма-навбат бажаришгани, бир-бирига кўмаклашгани англашилиб турибди. Маъна шу маънодан келиб чиқиб, биргаликда бажариш, кўпчилик бажариши маънолари вужудга келган. Эндиликда жуда кўп мисолларда шу – кейинги маънони кўрамиз. Баъзи жойларда тўртбеш мартараб чигит экишди азаматлар (Ў.Усмонов). Қолгалар чўлга кетадиган юкларни аравага ортишди. (Х.Ғулом). Колхознинг бир вагон тахтаси бор, хар кўрганимда юрагим эзилиб кетади, нотўғри тахлашган. (А.Қаҳҳор). Бу гапларда биргалик нисбатидаги **эмкоқ, ортмоқ, тахламоқ** феълларининг агенси **азаматлар, қолганлар, улар** (имплицит) шахс билдирувчи сўзлар бўлиб, гапда эга вазифасида келган. Демак юмуш феъллари биргалик нисбатида келса, агенс ифодаловчиси икки ва ундан ортиқ шахс маъносини билдиради.

Хуллас, юмуш феъллари биргалик нисбатда келса, агенси эга вазифасида бўлади.

Юмуш феъллари ўзлик нисбатида бўлса, гапда агенс ва объект битта сўзда кесишади, эга вазифасида келади.

Юмуш феъллари мажхул нисбатда кўлланса, агенс қайд этилмайди ва мантиқан мавхумлигича қолади. Баъзан агенс гапда мавжуд бўлиши мумкин, бунда у воситали тўлдирувчи вазифасида бўлади.

Юмуш феъллари орттирма нисбатда келса феълда икки шахслик юзага келиб, бажаришга ундовчи – агенс ва бажарувчи – пациент мавжуд бўлади. Гапда икки кечимилийк кузатилади. Агенс гапда эга, пациент воситали тўлдирувчи бўлади.

Юмуш феъллари биргалик нисбатда келса, бисубъектлийк бўлади. Ҳар иккала бажарувчи ҳам бир хил эга вазифасини бажаради.

## ЮМУШ ФЕЛЬЛАРИ ФУНКЦИОНАЛ ФОРМАЛАРДА КЕЛГАНДА АГЕНСНИНГ ГАПДАГИ ВАЗИФАСИ

Юмуш фельлари турли функционал шаклларда келар экан, агентс ифодаловчиларининг вазифаси ҳам ўзгариб кетиши мумкин. У предикатив қўшилмада субъект вазифасида ҳам, шу билан бирга бошқа бирималар таркибида бошқа синтактик вазифаларда ҳам келганлиги кузатилади. Фель сифатдош, равишдош ёки ҳаракат номи шаклларида келганда, агентси ҳеч вақт бир хил синтактик вазифада бўлмайди. Хатто у бир вазифа шаклида бўлса ҳам агентс ифодаловчиси турли синтактик вазифада келиши кузатилади. Шунинг учун ҳам юмуш фельларининг турли вазифа шаклларида келишини алоҳида ва ўз ўрни билан таҳлил этишга тўғри келади:

1. Юмуш фельлари сифатдош шаклида келганда белгини билдиради ва гапда аникловчи вазифасида келади. Агентс ифодаловчиси эса аникланмиш вазифасида бўлади. Аникланмиш вазифасидаги сўз анча эркин бўлиб, гапда эга, тўлдирувчи ёки қаратқич аникловчи бўлиши мумкин. Юмуш фельи бу гапда кесим вазифасида келмайди. Гапдаги предикациянинг марказида бошқа кесим туради. Биз ўрганаётган сифатдош шаклидаги юмуш фельининг агентси ушбу кесимга нисбатан турлича алоқада бўлиши мумкин.

Агентс ифодаловчисининг гапда эга вазифасида келишини кўриб чиқайлик.

...ер юзини ифлос нарсалардан тозалайдиган одамлар бор (Ў.Хошимов). Бу гап да сифатдош шаклидаги *тозаламоқ* фельининг агентси вазифасида *одамлар* сўзи келган.

Сифатдош шаклида кўрганимиз тозаламоқ фельи белгини билдиради. Шунинг учун унинг маъносидаги “ижро” семаси бир оз орқа планга ўтади. Дарҳақиқат, иш бажарилган, бажарилган ишнинг натижаси белги сифатида берилган.

Сифатловчи-сифатланмиш муносабатидаги сифатланмиш агентс бўлса, у турли вазифаларда келиши мумкин. Маслан, ... ўт юлиб юрган бир боланинг ёнига бориб (Х.Тўхтабоев). Бу гапда *юлмоқ* фельининг агентси *бола* гапда қаратқич аникловчиси вазифасида келган.

Баъзан сифатдош шаклидаги фельларининг аникловчи-аникланмиш қурилмасидаги аникланмиш вазифасида агентс ифо-

даловчинини эмас, объектни учратамиз. Маслан: Биз шунча йилдан бери харакат қилиб қурган посёлкамиз битди. (Ў.Умарбеков). Мен туккан мантилар қалай экан (А.Қодирий). Ҳудди Ҳафиза тайёрлайдиган мантиларнинг ўзи (Ў.Умарбеков). Бу гапларда *курган*, *туккан*, *тайёрлайдиган* каби сифатдошлар аниқловчи вазифасида келган бўлиб, уларнинг аниқланмиши вазифасидаги *посёлкамиз*, *мантилар*, *манти* сўзлари одатдагидек агенс эмас, объект ифодаловчилари дидир. Сифатдош шаклидаги юмуш феъллари эса ёйик аниқловчи ҳолида иккиласмчи предикациянинг предикати вазифасида келган. Уларнинг агентси ўша иккиласмчи предикациянинг субъекти *биз*, *мен*, *Ҳафиза* сўзларидир. Бу сўзлар гапнинг эгаси эмас. Биринчи ва иккинчи гапда эга юмуш феълларининг объект ифодаловчилари бўлиб, охирги гапда эга имплицит (кўрсатиш олмоши маъносини беради). Бу гапдаги юмуш феълининг обеъкт ифодаловчиси эса от-кесмнинг қаратқич аниқловчиси вазифасида келган.

Сифатдош шаклидаги юмуш феъллари аниқловчи вазифасида келар экан, аниқланмиш вазифасида обеъкт актанти бўлиши факат ўтимли феълларгагина хосдир.

Бу кўринишлар нисбий ҳол бўлиб, агар гапнинг маъносига кўра агенс гапда юмуш феъли сифатдоши билан аниқловчи-аниқланмиш курилмасида келса, уларнинг ўрнини алмаштириш мумкин бўлади, яъни *тозалайдиган одамлар - одамлар тозалайдиган* ёки *осган Ориф - Ориф осган* каби.

Лекин аниқланмиш обеъкт ифодаловчиси бўлса, уларни сира алмаштириб бўлмайди. Бу ҳам ўзига хос тил қонуниятидир. Қиёсланг: *курган посёлкамиз -посёлкамиз қурган*.

Юмуш феълларининг мажхул нисбатдаги сифатдоши иштирок этган гапда агенс вазифасидаги сўз ўз ифодасини топмайди. Аниқловчи-аниқланмиш муносабатидаги аниқланмиш юмуш феълларининг обеъкт ифодаловчиси бўлади. Масалан: Азиз яқиндагина киртишлаб ўрилган, лекин ҳашаги ҳали йигиб улгурилмаган бедазор уватидан аста-секин пастлаб бораркан (Ў.Усмонов). Берунийнинг сўзлари оловга сепилган сувдек таъсир кўрсатди (М.Осим). Бу гапларда агенс имплицит ҳолатда. Аммо мажхул нисбатдаги мисоллардан бирида у гапда ўз ифодасини топган. Бунда у ундалма бўлиб келган атоқли отдир:

...сенинг қўлларинг билан туғилган мантилардан жуда мамнунман, Райно! (А.Қодирий). Бу гапда *туғилган* сифатдош

шаклидаги феълнинг агенси вазифасида *Раъно* атоқли оти келган. У гапда ундалма сифатида қўлланган.

Агент вазифасидаги сўзлар ҳақида гапирганимизда, улар доимо шахс маъносини билдиришини айтиб ўтган эдик. Аммо баъзан маъно кўчиши ёки образли ифодалаш туфайли агенс вазифасидаги сўз турдош от бўлиши мумкинлигини кўргандик. Шундай ҳол сифатдош формасидаги юмуш феълларида ҳам учради. Масалан, Сизларда ҳалиги эшик, ром ясадиган устахоналар ҳам борми? (Х.Тўхтабоев). Бу гапда ясамоқ феълининг агенс ифодоловчиси *устахона* сўзидир. Бу сўз *усталар устахонаси* сўз биримасининг алоқадорликка асосан ихчамлашган шаклидир.

Сифатдош шаклидаги феъллар баъзан отлашади. Бунда агенс ҳам уларнинг ўзи бўлади. Масалан: Эрта-индин ўлиб кетсан тепкилаб кўмадиганимдан айрилиб қолдим айланай (Ў.Хошимов). Эргашевнинг тобутини кўтарганлар орасида у ҳам бор (Ў.Хошимов). Бахмалбоф маҳалла-духоба тўқийдиганлар маҳалласи (А.Қодирий).

Бу гапларда *кўмадиган*, *кўтарган*, *тўқийдиган* сифатдош шаклидаги юмуш феълларининг агенси вазифасидаги сўзлар тушиб қолган, бу сўзларнинг маъноси ҳам уларнинг аниқловчиси (сифатдош шаклидаги юмуш феъллари)га юкланган.

Отлашиш жараёнида сифатдош шаклидаги юмуш феъллари мавҳум ҳолатни яна ҳам аниқроғи ҳаракат номини билдириши мумкин. Бундай гапларда агенс ўз ифодасини топган бўлса у қаратқич аниқловчиси вазифасида келади. Масалан: Нигор ойимнинг бир ойсиз кир ювганини кўрса ғавғо соларди (А.Қодирий). ..муштумзўрлар мол-мулкини яширётганини, отувини сўяётганини айтиб, бу ишни тезроқ ўтказишни талаб қиласи (А.Қаххор). Бу гапларда *юамоқ*, *сўймоқ* феълларининг агенси қаратқич келишигидаги *Нигор ойим* ва *муштумзўрлар* сўзларидир.

2. Равишдош шаклидаги юмуш феълларида агенс ифодаловчisinинг вазифалари ўзгармайди, яъни эга ва кесим курилмасидагидек бўлади. Факат феъл бу формада ҳол вазифасида келади. Масалан: Энди сизларга ҳеч ким тош отиб шохингизни синдирамайди, танангизга мих қоқиб озор бермайди! (Х.Тўхтабоев). Ҳар ҳафтада бир икки мартаба қовоқ сомса ёпдирмай қолмас эди (А.Қодирий). Афанди қаҳратон қиши куни ўтин тергани чиқкан эди (Латифалар). Бу гапларда *қоқмоқ*, *ёпмоқ*, *термоқ* феълларининг

агенси вазифасида ҳеч ким, *Афанди* сўзлари келган. Иккинчи гапда эга имплицит. Кесимнинг шахс-сонига кўра агенс ифодаловчиси у олмоши маъносини англатади. Ҳар учала ҳолда ҳам агенс эга вазифасида келган.

3. Ҳаракат номи шаклидаги юмуш феъллари гапда турли вазифаларда келади. Шунга яраша унинг агенси вазифасидаги сўз ҳам турлича ифода топиши мумкин:

1) юмуш феъли ҳаракат номи шаклидаги кесим вазифасида келса, унинг агенси бўлмайди. Бунда шахси топилмайдиган гап тузилиши кузатилади.

Маъносига эътибор берсак, потенциал агенс вазифасида шахс билдирувчи сўз бўлиши мумкинлиги англашилиб туради. Маслан: Эчки боқиш керак (Ў.Умарбеков). Кейинчалик ёнига кичкина бир консерва заводи қуриш мумкин (Ў.Умарбеков). Селхона қазиш керак (Ҳ.Ғулом).

2) ҳаракат номининг эга вазифасида келиши билан отлашиш жарабни янада аниқ намоён бўлади. Бунда агенс умуман кўринмайди. Чунки феъл маълум бир ҳаракат кечими сифатида эмас, ўша кечимнинг номи сифатида реаллашади. Шунинг учун унинг бажарувчиси ҳатто имплицит ҳолатда ҳам англашилмайди. Бунда кимдир томонидан бажариш эмас, умуман ўша бажариш жарабининг номи англашилиб туради. Масалан: Соатни бураш эсимдан чиқмайди (А.Қаҳҳор). Ҳовлини супуриш, идиштоворқларни ювиш ўшанинг бўйнида (Ў.Хошимов).

Демак, ҳаракат номи формасидаги юмуш феъллари эга ёки кесим вазифасида келса, агенс вазифасидаги сўз бўлмайди. Бу ушбу сўзларнинг отлашган маъно узваридан ҳам маълум. Йигилган мисоллар ҳам шу фикримизни тасдиқлайди.

3) ҳаракат номи формасидаги юмуш феъллари тўлдирувчи вазифасида келса, агенс вазифасидаги сўз эга бўлиши кузатилади. Бу феълларнинг тўлдирувчи вазифасида маъно ҳаракатчанлиги ошишини кўрсатади. Кўсак чувишга сиз устасиз-ку! (А.Қаҳҳор). Норқўзи ер чопиб, гўнгни текислаш билан овора (Ҳ.Ғулом). Ёш ҳаким кечгача малҳам суртиш билан овора бўлди (М.Осим). Бу гапларда *чувишоқ*, *текисламоқ*, *суртмоқ* феълларининг агенс ифодоловчилари *сиз*, *Норқўзи*, *ҳаким* сўзларидир. Улар гапда эга вазифасида келган. Ҳаракат номи шаклидаги юмуш феълларининг бажарувчини юзага чиқариш учун ҳаракат номига жўналиш

келишиги қўшимчасини қўшиш ёки билан кўмакчисини қўллаш керак бўлади.

Юмуш феъллари феъл шакларида қўлланганда агенс ифодаловчиларининг вазифаси ҳам, ифодаланиши ҳам ўзгариб кетишини мисолларда кўрдик.

Юмуш феъллари сифатдош шаклида бўлса, гапда аниқловчи вазифасини бажаради. Унинг агенси аниқловчи-аниқланмиш қурилмасидаги аниқланмиш сифатида гапда эга, тўлдирувчи, аниқловчи каби вазифаларда бўлиши мумкин. Агар аниқловчи-аниқланмиш қурилмасидаги аниқланмиш обьект ифодаловчи бўлса, агенс эга вазифасини бажаради. Юмуш феъли мажхул нисбатдаги сифатдош бўлса, унинг агенси номаълум бўлади.

Юмуш феъллари равишдош шаклида бўлса, агенси эга вазифасида келиши кузатилади.

Юмуш феъли ҳаракат номи шаклидаги кесим бўлса, эгаси қайд этилмайди, мантиқан англашилади. Юмуш феъли ҳаракат номи шаклида эга вазифасида бўлса, агенс умуман кўринмайди ва англашилмайди ҳам. Чунки бунда феъл иш-ҳаракат номи шаклида тўлдирувчи вазифасида келса, агенс ифодаловчиси эга бўлади.

## Хулоса

Юмуш феълларининг агенс валентлиги таҳлил этилар экан, қўйидаги натижаларга келинди.

1. Юмуш феълларининг агенс валентлиги реаллашар экан, агенс актантини деярли гапнинг эгаси вазифасида қайд этилади. Бунинг учун юмуш феъли соф феъл формасида аниқлик нисбатида, биргалик нисбатида, ўзлик нисбатида ва равишдош вазифаси шаклида келиши керак.

2. Агенс эга вазифасида қўлланиши керак бўлгани ҳолда, нутқда қайд этилмаслиги ҳам мумкин. Бунда у гап мантиқидан англашилиб туради.

3. Юмуш феълининг агенс актантини гапда воситасиз тўлдирувчи вазифасида ҳам келиши мумкин. Бунинг учун феъл сифатдош вазифаси шаклида келиб гапда аниқловчи бўлади. Аниқланмиш вазифасидаги агенс эса гапнинг тўлдирувчиси сифатида қўлланиши мумкин.

4. Юмуш феълининг агенс актантини воситали тўлдирувчи вазифасини бажаради. Бунинг учун феъл мажхул нисбатда келади.

5. Юмуш феълининг агенти актантин қаратқич аниқловчиси вазифасида қўлланади. Бунинг учун юмуш феъли ҳаракат номи шаклида келиб қаратқич келишигидаги агенснинг қаралмиши вазифасида бўлади.

6. Юмуш феълларининг агенти от, сифат, сон, олмош, сифатдош шаклида ифодаланиши мумкин ва улар деярли доим шахсни билдиради. Айрим ҳолларда жониворлар ва турли нарсаларнинг номлари жонлантирилиб шахс маъносида қўлланиши мумкин.

### Контрагент

Ўзбек тилидаги юмуш феълларининг контрагент валентлиги ҳам мавжуд. Апресян феъл валентликларини санаганда, бу валентликка катта эътибор беради. Аммо ўзбек тилидаги юмуш феъллари контрагентининг юзага чиқиши жуда кам кузатилади. Бу валентлик нутқ феълларида анча фаол бўлиб, у И.Қўчқортов томонидан атрофлича тадқиқ этилган<sup>7</sup>. Контрагент нутқ феълларининг зарурий валентлиги бўлиб у ҳам нутқ фаолиятини юзага келтиради. Аммо контрагентининг нутқи мустақил эмас, агенсга жавобан юзага келади. Нутқ жараёнининг ўзи агенс билан бирга контрагент ифодаловчисини ҳам талаб қиласи. Аммо юмуш феълларида контрагент у даражада фаол ҳолатда эмас. Биз йиққан мисолларда ҳам у жуда кам учрайди.

Контрагент гапдаги вазифасига кўра восита валентлигига жуда яқин туради. Восита валентлигининг ифодаловчиси феълдан англашилган ҳаракатнинг бажарилишида ёрдамчи буюмни билдиради. Контрагент актантин эса ёрдамчи шахсни билдириб феълдан англашилган ҳаракатда иштирок этади. Феълдан англашилган ҳаракатни агенс ҳам бажаради ва у асосий бажарувчи хисобланади. Контрагент унга кўмакчи, лекин эркин ҳаракат қилувчидир. Масалан: У Чўлбобо билан ишкомда ток очаётган бўлса керак (Х.Үлом). Бу гапдаги *очмоқ* феълининг контрагент ифодаловчиси *Чўлбобо* сўзидир. Контрагент ифодаловчиси шахс билдиради. Гапдаги агенс у сўзи бўлиб *Чўлбобо* шу у сўзида ифодалангандай ҳаракатни ишга ҳамкорлик қиласи. Ушбу гапда контрагент ифодоловчиси атоқли от бўлиб, у гапда кесим вазифасини ўтовчи юмуш феълига билан кўмакчиси орқали боғланиб келган. Юмуш феълининг контрагент актантин гапда қайд этилар экан, ўз ҳоким бўлаги (феъл) билан ҳамма вақт билан

кўмакчиси орқали боғланаб келади. Контрагент ҳамма вақт шахс билдирувчи сўзлардан иборат бўлиб у от, сон, олмош туркумлари орқали ифодаланади. Маслан: Ростини айтсан, шу тобда менинг ҳам ана шу болалар билан эгатларга ёнма-ён тушиб олиб мусобақалашиб кетмон чопгим келди (Х.Тўхтабоев). Қолган ўлжаларни шогирди билан баробар бўлишидди (Х.Ғулом). Бу гапларда *чопмоқ*, *бўлмоқ* юмуш феълларининг контрагент ифодаловчиси *болалар*, *шогирд* сўзларидир.

### Хулоса

1. Юмуш феълларининг контрагенти гапда воситали тўлдирувчи вазифасида келади.
2. Контрагент актанти гапда кесим вазифасида келган юмуш феъли билан ҳамма вақт *билин* кўмакчиси орқали боғланади.
3. Юмуш феълининг контрагент актанти нутқда от, сон, олмош туркумларида ифодаланиб фақат шахс маъносини билдириб келади.
4. Юмуш феълининг контрагенти нутқда жуда кам учрайди.

## ЮМУШ ФЕЪЛЛАРИДА ОБЪЕКТ ВАЛЕНТЛИГИ

Юмуш феълларининг барчаси ўтимлидир. Шунинг учун улар объект валентлигига эга бўлади. Ўтимли феъллар семантикаси (маъно тузилиши) тушум келишигидаги ҳаракат ўтвучи предметни ифода этган сўзни тақазо этади. Улар гапда воситасиз тўлдирувчи вазифасида келади.

Объект ифодаловчи сўзлар турли маъноларни ифодалайди. Юмуш феълларида ифодаланган ҳаракат маълум бир “жисмда қисман ёки тўлиқ ўзгариш” “хосил қилиш” дан иборатдир. Бу маъно тузилиши, албатта, объект ифодаловчисида ўз аксини топади.

Юмуш феълларининг объект ифодаловчилари турли маънода бўлиши мумкин ва ҳар хил сўз туркумларига оид бўлади.

Объект ифодаловчи сўзлар ҳаммадан кўп турдош отлар бўлиб, улар кўйидаги маъноларни билдиради:

1. Шахсни билдирувчи турдош отлар. Масалан: Филлар ҳартуми билан отлиқларни ўраб олиб ерга урар, босиб ўлдиради (М.Осим). От қиз билан болаларни кўтарганча ҳавога учиб кетди (Ўзб.Х.О.И). Зафар уларга ёр бўлиб душмани орқага сура бошлади (М.Осим). Бу гапларда *отлиқлар, қиз, бола, душман* сўзлари *ўрамоқ, кўтармоқ, сурмоқ* феълларининг объект ифодаловчилариdir.

2. Жониворларни билдирувчи турдош отлар. Масалан: Ҳув кўлга бориб, балиқ овла (М.Хазраткулов). Ойим бўлса уйимиздан уч юз метр наридаги фермада сигир соғади (Х.Тўхтабоев). Отларни эгарлайми? (Х.Фулом). Бу гаплардаги *овламоқ, соғмоқ, эгарламоқ* феълларининг объект ифодаловчилари *балиқ, сигир, от* сўзларидир.

3. Жонсиз предметларни билдирувчи турдош отлар. Масалан: Дадам гулдор шойи рўмолни опамга узатди (Ў.Хошимов). Туни билан гўза сугорди (Х.Фулом). Усмоновни кўриб шофёр йигит кабина чироғини ёқди ва орқа эшикни очиб кўйди (Ў.Умарбеков). Бу гапларда *узатмоқ, сугормоқ, очмоқ* феълларининг объект ифодаловчisi *рўмол, гўза, эшик* сўзларидир. Юмуш феъллари ўз маъносига кўра, албатта, объект валентлигига эга бўлар экан, унинг юзага чиқиши турган гапки бир хил маъно майдонига кирадиган сўзлардан иборат бўлмайди. Бу феъллар маъносининг мантиций бўлаклари билан объект ифодаловчиларининг маъноси узвий boglik bouldadi. Barcha yomush feъllariniнг umumlashтирувчи uзви

"ижро" бўлар экан, улар объект валентлигини вужудга келтирувчи узвга кўра қуидаги гурухларга бўлинади.

1. *Очмоқ, ёзмоқ, ёпмоқ* юмуш феълларининг маъно тузилишини кўриб чиқайлик. *Очмоқ* феълининг маъно тузилишини 'нарсани панадан чиқармоқ' тарзида бериш мумкин. *Ёзмоқ, ёймоқ* феъллари эса 'нарсани катта очмоқ' маъно тузилишига эга. Уларнинг маъно тузилишидаги умумий узв 'нарса' дир. Худди шу 'нарса' узвига кўра юмуш феъллари объект валенти ифодаловчилари билан хам мослашади, яъни *очмоқ, ёзмоқ, ёймоқ, ёпмоқ* феълларининг объект валентлиги 'нарса' узвига эга бўлган маъноли сўзларни талаб килади. Масалан: Анвар ўртага дастурхон ёзиб икки лаган манти кўйди (А.Қодирий). Чўл баҳор келинчаги оёғи остига чечаклар билан безалган яшил поёндозни ёйиб ташлади (М.Осим). Ер мўл, қанчадан-қанча ерлар очиш мумкин, сув етарли (Ў.Умарбеков). У Чолбобо билан ишкомда ток очаётган бўлса керак (Х.Ғулом). Бу гапларда *ёзмоқ, ёймоқ, очмоқ* феълларининг объект ифодаловчилари *дастурхон, поёндоз, ер, ток* каби 'нарса' узвига эга бўлган сўзлардир. Бу сўзлардаги 'нарса' узви феъл ва унинг объект ифодаловчисини боғловчи классемадир.

2. Сепмоқ, қўймоқ феълларининг маъноларидаги 'суюқлик' узви объект валентлигини юзага келтиради. Йигилган мисолларда сепмоқ феълининг объект ифодаловчиси сув, қўймоқ феълиники эса сув ва чой сўзларидир. Масалан, Тракторчи шу ерга чолни ётқизиб, кўкрагига сув сепаётган эди (Ў.Умарбеков). Термосдан чой қуиб бераётсиб: Оббо, ўғлим-её...-деб кўйди. (Х.Тўхтабоев). Бу гапларда *сепмоқ, қўймоқ* феълларининг объект ифодаловчилари *сув ва чой* сўзларидир.

3. *Юкламоқ, кўтармоқ, ортмоқ, ташибмоқ* феълларининг маъно тузилишидаги 'юк' узви уларнинг объект ифодаловчиларида хам ўз аксини топади, яъни сўз бирикмаси компонентларининг маънолари шу узвда кесишади. Йигилган мисолларда ушбу феълларнинг объект ифодаловчилари қуидагилардир: *Қон, чироқ, юк, қакир-куқир, тобут, кўч-кўрон, ажнос, жавоҳирот, этак, ўғит*. Масалан: Онасининг қакир-кукирларини ортиб эрининг уйига келди (А.Қодирий). Туш кўрсам, онам чироқ кўтариб юрганимиш (Ў.Хошим). Кўргонларни хам туяларга юклаб жўнадилар (Ўзб.Х.О.И). Бу гаплардаги *ортмоқ, кўтармоқ, юкламоқ* феълларининг объект валентлиги қакир-куқир, чироқ, кўргон сўзлари орқали ифодаланган.

**4. Кавламоқ, қазимоқ, чопмоқ** феъллари маъно тузилишидаги 'ерни ўймоқ' узви уларнинг объект валентлигини юзага келтиради. Объект ифодаловчилари 'ер' билан боғлик бўлган нарсаларни билдиради, фикримизни йиғилган мисоллар ҳам тасдиклайди. Бу феълларнинг объект ифодаловчилари қўйидаги сўзлардир. Чукур, молхона, канал, зовур, ўра, ўқариқ, селхона, жарлик, ер, жой. Масалан: Кош қорайгунча канал кавларди (Х.Ғулом). Чолбобо анчагина чукур қазиб қўйган (Х.Ғулом). Сиз шу жарликни чопинг (Ў.Умарбеков). Бу гапларда **кавламоқ, қазимоқ, чопмоқ** феълларининг объекти **канал**, чукур, жарлик сўзлари орқали ифодаланган. Ушбу сўзларни феъл билан боғловчи классема 'ер' узвидир.

**5. Йиғмоқ, узмоқ, термоқ, ўрмоқ, юлмоқ** феълларининг маъно тузилишидаги 'экин' узви объект валентлигини юзага келтиради. Шу классемада ҳар иккала маъно тузилиши мослашади. Йиғилган карточкаларни кўздан кечирсак, қўйидаги сўзлар юмуш феълларининг объект ифодаловчиси бўлганини кўрамиз: **мева, пахта, дарахт, чигит, тарвуз, бедазор, ўт, қамиш, гўза**. Мисоллар: Ана шу кўриб турганингиз ўн гектар ердаги гўзани олтovимиз экканмиз (Х.Тўхтабоев). 0.8 процент пахтани октабрда яrim кунда териб топширса бўлади (Х.Ғулом). Тўқай қамишини комбинат ўриб кетадиган бўлди (Х.Ғулом). Бу гапларда **гўза, пахта, қамиш** сўзлари экмоқ, термоқ, ўрмоқ феълларининг объект ифодаловчисидир. **Термоқ** феъли кўп маъноли бўлганлигидан кўчма маъносидаги узвлари билан ҳам мослашувчи объект ифодаловчиларига эга эканлигини кўрдик. Фишт, ўтин, рақам, столстул каби. Масалан, Тушган чўғларни кўрага терди (Х.Ғулом). Телефон рақамларини тера бошлиди (Ў.Усмонов). Бу гапларда чўғ, рақам сўзлари термоқ феълининг объект ифодаловчиларидир. Уларнинг классемаси термоқ феълининг кўчма маъно тузилишидаги узв билан мослашади.

**6. Қаламоқ, ёқмоқ, ўчирмоқ** феълларининг маъно тузилишида 'олов' узви мавжуд. Ушбу узв феъл ва объект ифодаловчиларининг маъноларини туташтирувчи классема ҳисобланади. Мисоллардаги объект ифодаловчи сўзларни кўриб чиқайлик: **қамиш, олов, ўт, шам, кийим**. Масалан: Афанди ўчоқка ўт ёқишига кўп уринди (Латифалар). Мана энди Мирзачўлда қамиш ёқиб, шўр ялаб ўтиргандир (А.Қаххор). Чап тарафинингизда гугурт бор, олиб шамни ёқиб юборинг (Латифалар). Бу гапларда  **ўт, қамиш, шам** сўзлари

**ёқмоқ** феълининг объект ифодаловчисидир, уларнинг маъноларини туташтирувчи классема 'олов' узвидир.

**7. Курмоқ, солмоқ** феъллари маъно тузилишида 'бино, жой' узви мавжуд. Ушбу узв уларнинг объект ифодаловчилари маъносига ҳам бор бўлиб, буни йигилган мисолларда кўриш мумкин. Бу феълларнинг объект ифодаловчилари куйидаги сўзлардир: **чодир, кўргон, теплица, уй, отхона, санаторий, боғча, завод, совхоз, шийпон, кўшк, иморат, масжид, мадраса.** Масалан: Бир куннамас бир кун у албатта ўзи янги уй қуради (Ў.Умарбеков). Ростмана шийпон қурамиз (Ҳ.Ғулом). Амаким ҳовлига янги иморат солди. Бу гапларда **курмоқ, солмоқ** феълларининг объект ифодаловчилари **уй, шийпон, иморат** сўзларидир.

**8. Ясамоқ, яратмоқ** феълларининг маъно тузилишида 'янги жисм' узви мавжуд бўлиб, бу узв унинг объект ифодаловчиларида ҳам бор қуйидаги сўзлардир: **глобус, самолёт, кўргон, дастурхон, эшик, ром, ғов, кулча, варрак.** Масалан: Бодом тагида ўтириб варрак ясашга тушдим (Ў.Хошимов). Сиз подшо кўргонининг рўпарасида бир кўргон ясангки, ўзи мисдан бўлсин (Ўзб. Х.О.И). Ўша ўзи келиб тиллақош ясаттириб кетди (Ў.Умарбеков). Бу гаплардаги **варрак, кўргон, тиллақош** сўзлари ясамоқ феълнинг объект ифодаловчисидир.

**9. Пиширмоқ, сузмоқ, димламоқ, қовурмоқ, тугмоқ, тўғрамоқ, қайнатмоқ, дудламоқ** феъллари маъно тузилишидаги 'емак' узви унинг объект ифодаловчилари маъно тузилишида ҳам мавжуд бўлган классемадир. Мисолларни кўриб чиқсан шу фикримиз тасдиқланади. **Ош, овқат, чучвара, гўшт, балиқ, тухум, манти** каби сўзлар ушбу феълларнинг объект ифодаловчиси бўлиб келган. Масалан: Зумрад биби ош сузишга лаган юва бошлади (Ҳ.Ғулом). У овқат сувгани ошхонага ўтди (М.Ҳазраткулов). Гўштни онангга тўғраб бер (А.Қодирий). Бу гапларда **сузмоқ, тўғрамоқ** феълларнинг объект ифодаловчиси **ош, овқат, гўшт** сўзларидир.

**10. Супурмоқ** феълнинг маъно тузилиши 'саҳн юзасини' 'кераксиз нарсалардан' 'тозалаш' узвларидан иборат. Аслида туташтирувчи узв 'кераксиз нарса'. Сўзлашувда туташтирувчи классемали маънога эга бўлган сўз кўпинча тушиб қолади, яъни атрофдаги **ахлатни супуриб, ҳовлидаги қорни супуриш** каби эмас, **атрофни супурмоқ, ҳовлини супурмоқ** кўринишда бўлади. Бу кўринишда юмуш феъли билан объект ифодаловчинини

туташтирувчи классема уларнинг маъно тузилишидаги 'саҳн' узви бўлади. Масалан: Мактабда хуснихат машқ килиб ўтирувчи болалар ичидан иккитасини гулзорни супуриб, сув сепишга буюрди (А.Қодирий). Бориб аркони давлатнинг дарвозасини супура бошлади (Ўзб.Х.И.О). Бу гапларда гулзор, дарвозахона каби 'саҳн' маъносидаги сўзлар **супурмок** феълининг объект ифодаловчиси бўлиб келган. Баъзан эса **супурмок**, феълининг объект ифодаловчиси унинг ҳақиқий объекти маъносидаги 'нарса' узви билан мослашувчи маънога эга бўлган сўзлар бўлади. Масалан: Ўн саккиз яшар қизи айвонда қор супуар эди (Латифалар). Бу гапда **супурмок** феълининг объект ифодоловчиси қор сўзиидир. Супурмок феъли билан қор сўзининг классемаси 'нарса' узвидир.

11. **Ювмоқ**, чаймоқ феълларининг маъносида 'сув билан' 'нарсани' ёки 'саҳнни тозаламок' узвлари бўлиб, 'нарса' ва 'саҳн' маъносидаги сўзлар уларнинг объект ифодаловчилари бўлиб қолади. Лекин 'сув билан' узви ҳал қилувчи ўрин эгаллайди, яъни албатта сув билан тозаланадиган нарсаларгина уларнинг объект ифодаловчиси бўлиши мумкин. **Қозон-товоқ, яқтак, кўй калласи, кир, идиш-товоқ, ер, шўр, мотоцикл** сўзлари **ювмоқ** сўзининг объект ифодаловчиси бўлиши мумкин. Масалан: Бир ой тўлмасдан кир ювишга руҳсат бермас эди (А.Қодирий). Афанди ариқ бўйида ўтириб, кўйнинг калласини ювар эди (Латифалар). Бу гапларда **кир, кўй калласи** кабилар **ювмоқ** сўзининг объект ифодоловчиларидир.

12. **Сугормоқ** феълида ҳам 'сув' узви ҳал қилувчи ҳисобланади. Шу билан бирга феълнинг маъно тузилишидаги бошқа узвлари билан ҳам объект ифодаловчининг маъноси мослашиб келади. 'Экин'га ва 'жонивор'ларга 'сув бермоқ' **сугормоқ** феълининг маъно тузилиши бўлса 'экинга' 'жониворларга' узвлари феъл ва объект ифодаловчиларини туташтирувчи классемадир. Масалан: Туни билан гўза сугордим (Ҳ.Ғулом). Бултур баҳорда эшигимиз олдидаги гулларни сугорётган эдим (Ў.Хошимов). Анҳорда кўй-эчкиларни сугорди. Бу гапларда **сугормоқ** феълининг объект ифодаловчилари гўза, гуллар **кўй-эчки** сўзларидир. Бошқа мисолларда **сугормоқ** феълининг объект ифодаловчилари пахта, от, эшак каби сўзлар бўлган.

13. **Соғмоқ** феълининг маъно тузилишидаги 'сут олиш' узви сут эмизувчи ҳайвонларни билдирувчи, яъни **сигир, туя, бия, кўй, эчки** каби сўзларни тақазо этади. Йиғилган мисолларда **соғмоқ** сўзининг объект ифодаловчиси **кўпинча сигир** сўзи бўлган.

Масалан: Зумрад биби бостирмада сигир соғяпти (Ҳ.Ғулом). Ойим бўлса уйимиздан уч юз метр наридаги фермада сигир соғади (Ў.Хошимов). Ойим чўнқайиб ўтириб эчки соғаётган экан (Ў.Хошимов).

14. **Бўғизламоқ, сўймоқ** феъллари ҳам 'жонивор' узвига эга. Шу узв уларни объект ифодаловчилари билан боғловчи классемадир. Шунинг учун бу феълларнинг объект ифодаловчилари **от-улов, жонивор, кўчқор, кўй, эчки сўзлари**дир. Масалан, Муштумзўрлар мол-мулкини яшираётганини от-уловни сўёфтганини (А.Қаххор). Агар шаҳаншоҳ бизга меҳмон бўлиб келса яхшилаб зиёфат қиласиз, оёғига қирқ кўчқор сўямиз (М.Осим). Бу гапларда сўймоқ феълининг объект ифодаловчиси 'жонивор' классемасига эга бўлган **от-улов, кўчқор сўзлари**дир.

15. **Кесмоқ, қирқмоқ, арраламоқ** феъллари 'бўлакка ажратмоқ' узвига кўра умумлашади. Бу феъллар восита қурол валентлигига кўра фарқланади. Объект ифодаловчиси ҳам шунга яраша бўлади, яъни кесмоқ – 'пичоқ билан, болта билан' бўлинадиган, қирқмоқ – 'кайчи билан' бўлинадиган, арраламоқ – 'арра билан' бўлинадиган нарсаларни билдирувчи сўзлар билан реаллашади. Шунга кўра кесмоқ феълининг объект ифодаловчиси **ток, ўқнинг учи, атлас, арраламоқ** феълининг объект ифодаловчиси **ёғоч, ўтин сўзлари**дир. Масалан: Ясоққа етказиш – халойик олдида бошини кесиш деган гап эди (П.Қодиров). Ўқнинг учи чиқиб қолганда, унинг пат ёпиширилган учини қирқиб ташлаб, сугуриб олиш қийин эмасди (М.Осим). Йигитларнинг мақсади кўприкнинг икки томонида турган ўқ ёғочларни арралаб, уни бир икки жойидан узиб ташлаш эди (П.Қодиров). Бу гапларда **кесмоқ** феълининг объект ифодаловчиси **бош, қирқмоқ** феълинини **ўқнинг учи, арраламоқ** феълинини эса ўқ ёғоч сўзларидир.

16. **Қормоқ** феълининг маъно тузилишида 'кукун массани', 'аралаштириб', 'куюқ масса', 'ҳосил қилмоқ' узвлари бор. Шу 'куюқ масса' аксарият **ҳамир** сўзи бўлиб, баъзан у керт ёки цемент каби аралаштириб ҳосил қилинадиган нарсалар ҳам бўлиши мумкин. Масалан: Зумрад биби айвонда супра ёзиб ҳамир қорарди (Ҳ.Ғулом). Феруза қўлининг ҳамирини унга қориб тушириб, уйга кириб кетди (Ҳ.Ғулом). У молларга керт қориб берди. Бу гапларда қормоқ феълининг объект ифодаловчилари **ҳамир** ва керт сўзларидир.

**17. Ўрамоқ, боғламоқ** феълларининг маъно тузилишида 'тир айлантириб' 'ёлмоқ' 'нарса айлантириб маҳкамламоқ' узвлари бор. Объект ифодаловчиларининг маъноси ҳам шу маъно узвларига мос келади. 'Айлантирадиган нарса' узвий ушбу феълларнинг объект ифодаловчиси билан кесишувчи классема хисобланади. **Ўрамоқ, боғламоқ** феълларининг объект ифодаловчилари куйидаги сўзлардир: **Салла, мен, тақиничоқ, отлик, камар, от, мен оғзи, рўмол** каби. Масалан: Артиниб бўлиб, қимматбаҳо шойи тўнини кийди, салласини ўраб саройга жўнади (М.Осим). Шоҳимиз сафар камарини белига боғлади (М.Осим). Чопар сакраб эгардан тушди-ю, отини қозикқа боғлади (М.Осим). Бу гапларда **ўрамоқ, боғламоқ** феълларининг объект ифодаловчиси **салла, мен, камар, от** сўзларидир.

Чукурроқ таҳлил қиласидаги бўлсак, ушбу мисоллардаги **салла ва камар** сўзлари ўровчи, боғловчи воситалар бўлиб, ҳудди нариги мисоллардаги **кўрпага мени ўради, отни арқон билан боғлади** каби бўлиши керак эди. Аммо бу мисолларда **салла ва камар** актив ҳаракатланувчи сифатида олдинги планга ўтган ва объект сифатида берилган. Ҳакиқатан, ҳаракат ўша айланадиган салла ва камарга ўтади ҳамда улар объект ифодаловчисига айланади. Солиширинг, **саллани бошга ўради билан мени кўрпага ўради** гаплари орасида катта фарқ бор. Мени ўради бўлса, кўрпа восита мен олдинги планга ўтади. Саллани бошга ўради деганда эса ҳаракатдан мақсад саллани бошга ўраб кўндириб қўйиш. Саллани айлантириш олдинги планга ўтади.

**18. Қоқмоқ** феълининг маъно тузилишидаги 'уриб туширмоқ' ёки 'уриб кирғизмоқ' узвлари объект ифодаловчиларида ҳам ўз аксини топади. Мисолларни кўриб чиқсан, ушбу феълнинг объект ифодаловчилари **этак, ёнғоқ, қозик, мих** сўзларидир. Шулардан этак сўзи гапдаги элипсисга учраган **чанг** сўзининг ўрнига объект ифодаловчиси бўлиб қолган. Масалан: Сидиқжон этагини қоқиб ўрнидан турди-ю, жадаллаганича кўча эшикка қараб кетди (А.Қаххор). Аслида ушбу гапда **қоқмоқ** феълининг объект ифодаловчиси этагидаги **чанг** сўз бирикмасидаги **чанг** сўзидир, лекин бу сўз элипсисга учраб қисқарган ва объект ифодаловчиси этак сўзи бўлиб қолган.

Қолган мисолларда объект ифодоловчиси ўз ўрнида келган: Раъно келиб Мансурни турғизди ва кийимиға ўтирган чангларни қоқди (А.Қодирий). Катта танаффусда ўқитувчиларнинг кўзини

шамгалат қилиб ёнгоқ қоқардик (Ў.Хошимов). Бу гапда **коқмоқ** феълининг объект ифодаловчиси чанг, ёнгоқ сўзларидир.

19. Кўммоқ сўзининг маъно тузилишида 'ер остига' 'жойламок' узвлари бор. Унинг объект ифодаловчилари киши, у, кўз, ўлик, селхона, сабзи, картошка каби сўзлардир. Масалан: Кейин уни маҳалла кўмди (Ў.Хошимов). Баъзи қишлоқларда қадимги селхоналарни кўмиб, гўза экишаётганмиш (Ҳ.Ғулом). Бу гаплардаги кўммоқ феълининг объект ифодаловчилари у, селхона сўзларидир.

20. **Ҳайдамоқ** феълининг бош маъноси 'киши ва жониворларни' 'хузуридан' 'нарилатмок' узвларига эга. Бош маънодаги ҳайдамоқ феълининг объект ифодаловчилари ана шу узвларга мос келади. Масалан: У беҳисоб қўй подаларини ҳайдаб күёш қаршисига юрятти (Ў.Умарбеков). Бу гапда ҳайдамоқ феълининг объект ифодаловчиси пода сўзидир.

Ҳайдамоқ феълининг кўчма маънолари ҳам бор. Бири 'техникани юргизмоқ'. Масалан: Норкўзи машина ҳайдаб борарди (Ҳ.Ғулом). Бу гапда ҳайдамоқ феълининг объект ифодаловчиси **машина** сўзидир. У юқоридаги маъно тузилишига тўлиқ мос келади.

Ушбу феълининг яна бир маъноси 'техникани юргизиб' тупроққа 'ишлов бермок'. Масалан: Ерларни ҳайдаш керак (М.Ҳазраткулов). Бу гапда ҳайдамоқ феълининг объект ифодаловчиси ер сўзидир.

Битта сўз турли маънода турлича объект ифодаловчиларига эга эканлигини кўрдик. Шундай экан, турли феълларнинг объект ифодаловчилари яна ҳам кўп гурухларга бўлиниб кетади. Бунда феъл ва объект ифодаловчилари умумий узв классемага эга бўлади. Масалан: чувимоқ, ўтказмоқ, экмоқ, термоқ, юлмоқ, йифмоқ, суғормоқ, ўрмоқ, қирқмоқ, узмоқ феълларининг объект ифодаловчилари маъно тузилишида 'Экин' узви бўлган куйидаги сўзлардир, қамиш, мева, дарахт, пахта, чигит, бугдой, гўза, тарвуз, ўт, занг, ток, туп, гул, уруг, кўчат, кўсак. 'Экин' узви уларнинг классемасидир. Масалан: Шу йилнинг ўзида ўн минг туп экарниш (Ҳ.Ғулом).

Кормоқ, ёшмоқ, тўғрамоқ, қуймоқ, тайёрламоқ, кесмоқ, тутмоқ, сузмоқ, ювмоқ, узмоқ, ушатмоқ феълларининг объект ифодаловчилари 'емак' узви бўлган куйидаги сўзлардир. Нон, гўшт, юй, манти, савзи, ҳамир, овқат, бодринг, пиёз, ош, зогора. Масалан: Уйда нон ёпилмаганидек, бозордан ҳам сотиб олинмасди (А.Қодирий).

**Сепмок, қуймок, ичмоқ** феълларининг маъно тузилишидаги 'суюқлик' узви обьект валентлигини юзага келтиради. Улар қуидагилардир: сув, чой, сут, шароб, айрон, май, қимиз. Масалан: Кун ботиши билан онам ҳовлига сув сепар эди (Ў.Хошимов).

**Тутмоқ, соғмоқ, сўймок, ҳайдамоқ** феълларининг 'жонивор' узви обьект валентлиги билан боғловчи классема ҳисобланади. Уларнинг обьект ифодоловчилари қуидагилардир: қўй, кучук, илон, сигир, қўчкор, пода, от-улов, эчки, мушук, бузок. Масалан: Хотини сигирни соғаётганда...(Латифалар). Бир пасда бештача чумчук тутиб келишди (Ў.Умарбеков).

**Курмоқ, солмоқ, бузок, тайёрламоқ, ясамоқ** феъллари маъносидаги 'бино, жой' узви обьект валентлигини юзага келтиради. Қуидаги сўзлар уларнинг обьект ифодоловчилари бўлиб келган: завод, девор, ҳаммом, уй, шийпон, кўргон, айвон, чодир. Масалан: Кейинчалик ёнига кичкина бир консерва заводи куриш мумкин (Ў.Умарбеков).

**Тикмоқ, тўқимоқ, ювмоқ, бўлмоқ, қирқмоқ, чаймоқ, бичмоқ, мойламоқ** феълларининг маъносидаги 'кийим' узви обьект валентлигини юзага келтиради. Уларнинг обьект ифодоловчилари қуидаги сўзлардир: шим, этик, туфли, чок-пок, духоба, кир, қўйлак. Масалан: Салтанат майда-чуйда кирларни чайиб ёди (Ў.Усмонов).

**Текисламоқ, кавламоқ, ўймоқ, ҳайдамоқ** феъллари маъносидаги 'ер' узви обьект валентлигини юзага келтиради. Қуидаги сўзлар ушбу феълларининг обьект ифодоловчилари: зовур, чукур, ер, ўчок, ўра, тепа, ўқ, ариқ, дўнг, жарлик, жой. Масалан: Икки смена ер ағдарамиз (Ҳ.Ғулом).

Ушбу феъллар гурухини бир-бири билан аралаштириб ёки алмаштириб бўлмайди, яъни бири ўрнида иккинчисини қўллаб бўлмайди. Ҳар бир феъл маъносидаги биронта узви унинг обьект валентлигини келтириб чиқаради. Демак, обьект валентлиги зарурӣ ва шакллантирувчи валентлик ҳисобланади.

Биз юқорида обьект ифодоловчиларининг турли маънолардаги турдош отлар билан ифодаланган мисолларни таҳлил қилдик. Турдош отлар ўрнида баъзан бошқа сўз туркумига оид обьект ифодаловчиси бўлган мисоллар ҳам учрайди. Агар уларни турдош отлар билан алмаштироқчи бўлсак, ҳар бир феъл мослашувчи

класссема бўйича турдош отларни талаб қиласи. Бу, албаттa, бис юқорида гурухларга ажратган тартибга мос келадиган сўз бўлади.

Энди обьект ифодаловчиси бошқа сўз туркуми орқали ифодаланган мисолларни кўриб чиқамиз.

Объект ифодаловчиси атоқли от бўлиши мумкин. Масалан: Ҳозир негадир. Орифни тутиб олиб дўппослагим, бикинига, бошига роса муштлагим келиб кетди (Х.Тўхтабоев). Анвар оҳорлик янги йўргак кўрмаганидек, оғаларининг бир эски бешигига тўққизинчи кун беланди эмас, тиқилди (А.Қодирий). Бу гапларда дўппосламоқ, беламоқ феълларининг обьект ифодаловчиси Ориф, Анвар сўзларидир.

Объект валентлиги олмошнинг хар хил турлари билак ифодаланиши мумкин.

1) кишилик олмошлари билан: Кейин мени шоша-пиша кўрпачага ўради (Ў.Ҳошимов). Шунда уни отаси даст кўтариб бағрига босди (Ў.Умарбеков). Бу гапларда ўрамоқ, кўтармоқ феълларининг обьект ифодаловчиси мен, у олмошидир.

2) сўроқ олмошлари билан: Лойга нима кўшилган? (Латифалар). Бу гапда қўшмоқ феълининг обьект ифодаловчиси нима сўроқ олмошидир.

3) кўрсатиш олмошлари билан: Ҳали кўрак кўп. Уни чувиш кера (Ҳ.Ғулом). Афанди шуни бўяб берсангиз (Латифалар). Бу гапларда чувишмоқ, бўямоқ феълларининг обьект ифодаловчиси у, шундай олмошларидир.

4) ўзлик олмоши билан: Рўмоли билан манглайдаги терларни артиб, ўзини елпиди (А.Қодирий). Кўрсам, қараб турармидим ўзларини боғлаб кўярдим... (Ў.Умарбеков). Бу гапларда елпимоқ, боғламоқ феълларининг обьект ифодаловчиси ўз олмошидир.

5) белгилаш олмошлари билан: Ҳаммасини сочиб ташлабди-ку (Ў.Ҳошимов). Лекин у киши ҳаммани пахта билан ўлчайдила (Ў.Умарбеков). Бу гапларда сочмоқ, ўлчамоқ феълларининг обьект ифодаловчилари ҳамма олмошидир.

Объект ифодаловчи сўзлар отлашган сифат бўлиши мумкин. Масалан: Майли ўғлим, келинимга мен ундан яхшинини ясаф бераман (Ў.Умарбеков). Бу гапда ясамоқ феълининг обьект ифодаловчиси яхши сўзидир.

Объект ифодаловчилари отлашган сон бўлиши мумкин. Масалан: Шундан биттасини ушатиб, она-бола ердик (Ў.Ҳошимов). Кейин ўзим яхши кўрган шоколаддан икки-учта узатиб – бор энди

бирпас ўйнаб келгин-дейди (Х.Тўхтабоев). Бу гапларда ушатмоқ, узатмоқ феълларининг объект ифодаловчиси битта, икки – учта сўзларидир.

Объект ифодаловчилари равиш бўлиши ҳам мумкин. Масалан: Баҳорда сел келиб, ёзда қурғоқчилик кучайиб, пахтанинг яримидан кўпи қайта экилди (Ў.Умарбеков). Кўйларинг ҳам борми? –сўрадим молларнинг тагини тозалаб юрган паст бўйли бир боладан (Х.Тўхтабоев). Орасини титкилаган эдим (Х.Тўхтабоев). Бу гапларда экмоқ, тозаламоқ, титкиламоқ феълларининг объект ифодаловчилари кўп, таг, ора каби сўзларидир.

Баъзи гапларда объект ифодаловчиси йўқ, имплицит яъни яширинган бўлади. Масалан: Ҳозир амаллаб отга оргамиз (Ў.Умарбеков). Трактор яrim кун ишлаб, тизза бўйи ҳайдаб берибди (А.Қаххор). Бир оз сабр қилмайсанми, ўзим ёриб бермайманми (Ў.Хошимов). Бу гапларда ортмоқ, ҳайдамоқ, ёрмоқ юмуш феълларининг объект ифодаловчилари йўқ, имплицит ҳолатида. Агар агенс имплицит бўлса, эга кесим мослашувига кўра яъни синтактик усул билан агенс ифодаловчисини аниклаш ва олмош билан ифодалаш мумкин бўларди. Аммо объект ифодаловчинини бу усул билан келтириб чиқариш мумкин эмас. Объект ифодаловчинини феъл мазмунидан, семантик усул билан топиш мумкин. Масалан, юқоридаги гапларда ортмоқ, ҳайдамоқ, ёрмоқ юмуш феълларининг маъно тузилишидан келиб чиқиб, объект ифодаловчиларини куйидагича аниклаймиз? Ортмоқ феълининг маъно тузилишидаги 'юқ' узви бўйича объект ифодаловчинини топиш мумкин. Масалан, юқ оргамиз, пахта ортамиз каби, ҳайдамоқ феълининг 3-маъносидаги 'ишлов бермоқ' узви асосида объект ифодаловчиси ер дала сўзлари бўлади. Масалан, ерни ҳайдамоқ, ёрмоқ феъли маъно тузилишидаги 'бўлакка ажратмоқ' узвига кўра ўтин, тараша каби объект ифодаловчиларига эга бўлиши мумкин. Демак, имплицит ҳолатидаги объект ифодаловчинини аниклаш учун феълнинг семантик хусусиятларига асосланамиз. Бу объект валентлигининг облигатор, яъни зарурий валентлик эканлигини яна бир бор тасдиқлади.

## ОБЪЕКТ ИФОДАЛОВЧИСИНИНГ ТУРЛИ КЕЛИШИКЛАРДА КЕЛИШИ

Объект ифодаловчиси гапда воситасиз тўлдирувчи вазифасида келар экан, доим уни тушум келишиги формасида кўрамиз.

Жуда кўп гапларда объект ифодаловчиси белгисиз тушум келишигига бўлади. Масалан: ...мана шу ерга Анвар акангга атаб уй солиб берамиз, Раъно (А.Қодирий). У кунни Курбон отага карашиб ўтказди, кўмир майдалади, хумга сув тўлдириди (А.Қаҳхор). Бодринг узаётган бўлса керак (Ҳ.Ғулом). Бу гапларда **солмоқ**, **майдаламоқ**, **узмоқ** феълларининг объект ифодаловчиси **уй**, **кўмир**, **бодринг** сўзлари белгисиз тушум келишигига келган. Баъзи гапларда объект ифодаловчиси жўналиш келишигига бўлади. Масалан: Оркасига бир-икки шапатилади (Ў.Хошимов). Эрталаб кимдир секин елкамга туртаётганини пайқаб қолдим (Ў.Хошимов). Афанди хивчин билан уларнинг тиззаларига савалай бошлади (Латифалар). Бу гапларда **шапатиламоқ**, **туртмоқ**, **саваламоқ** феълларининг объект ифодоловчилари орқа, елка, тизза каби жўналиш келишигидаги сўзлардир. Объект ифодаловчилари инсон танасининг қисмларини билдириб келяпти. Демак, объект ифодаловчиларини **боланинг орқаси**, **менинг елкам**, **уларнинг тиззалари** тарзида айтса ҳам бўлади. Энди ушбу сўз бирикмаларининг биринчи эмас, иккинчи қисмини тушириб қолдирсан, гапларимиздаги объект-феъл бирикмаси қўйидагича бўлади, болани **шапатилади**, мени туртди, **уларни савалади**. Демак, бу гапларда ҳам объект ифодаловчилари иш-ҳаракат ўтаётган, тушум келишигидаги воситасиз тўлдирувчидир. Лекин иш-ҳаракат ўтаётган объект шахс билдирувчи сўз эмас, унинг тана қисмларини англатувчи яъни бутуннинг қисмини ифодаловчи сўз бўлгани учун у **боланинг орқасига шапатилади**, **менинг елкамга туртди**, **уларнинг тиззаларига савалади** тарзида берилган.

Бутуннинг қисмини билдирувчи объект ифодаловчилари баъзан чиқиш келишигига бўлади: Кейин ўзим яхши кўрган шоколаддан узатиб – бор, энди бирпас ўйнаб келгин, дейди (Ҳ.Тўхтабоев). Янаги йилданоқ далаларнинг барига шу Азизнинг давидан экардим (Ў.Усмонов). Бу гапларда **узатмоқ**, **эммоқ** феълларининг объект ифодаловчилари **шоколад**, **нав** сўзлариидир. Уларни ҳам юқоридагидек тўлдириб таҳлил қилсан, қўйидаги

**ҳолни кўрамиз: шоколаддан иккитасини узатиш, навидан озгина экардим.**

Демак, бутуннинг қисмини билдирганда, объект ифодаловчиси тушум келишигига келмайди, у ё жўналиш келишигига, ё чиқиш келишигига бўлади. Бир қанча гапларда объект ифодаловчиси бутуннинг қисмини ифодалаётгани тўлиқ акс этган. Масалан: Шундан биттасини ушатиб, она-бона ердик (Ў.Хошимов). Натирдан бир бурдагина ушатиб, ҳовузнинг ўртасига отди (Ғ.Фулом). Бу гапларда ушатмоқ феълининг объект ифодаловчиси биттаси, бир-бурда сўзларидир.

Ошмоқ феълининг 'тўсиқдан ўтмоқ' маъноси маълум бир чегараланган объект ифодаловчиларига эга. Улар девор, довои, тоғ каби сўзлар бўлиб, доим чиқиш келишигига келади. Бу бутуннинг қисмини ифодалагани учун эмас. Ушбу феълда бундай маънони кўрмаймиз, объект ифодаловчисининг чиқиш келишигига бўлиши феълининг маъно тузилишидан келиб чиқади. Бунда иш-ҳаракат объектга ўтади ва шу билан бирга объект шу ҳаракат жараёнида ортда қолади. Дехқонбой девордан ошибб Ҳафиззанинг олдига ўтмоқчи бўлди (А.Қаххор).

Бу феълнинг объект ифодаловчиси белгисиз келиши ҳам мумкин. Лекин барибир чиқиш келишиги маъноси англашилиб туради: Қиз девор ошибб унинг кетидан кувлади (А.Қаххор). Юқоридаги ҳар икки гапда ҳам **ошмоқ** феълининг объект ифодаловчиси чиқиш келишигидаги девор сўзидир.

Хуллас, юмуш феълларининг объект валентлиги шу феълнинг маъно тузилишидан келиб чиқади. Улар ҳар бир феълнинг маъно тузилишига мос келади. Юмуш феъли ва объект ифодаловчисини умумлаштирувчи, ўзаро мослаштирувчи классема мавжуд бўлади. Объект ифодаловчиси гапда тўлдирувчи вазифасида келади.

## **ЮМУШ ФЕЪЛЛАРИ ФУНКЦИОНАЛ ФОРМАЛАРДА КЕЛГАНДА ОБЪЕКТ ИФОДАЛОВЧИСИННИГ ВАЗИФАЛАРИ**

Юмуш феъллари функционал формаларда келганда, хусусан, сифатдош шаклида объект ифодаловчиларининг гапдаги вазифаси бир хил бўлмайди. Йигилган мисолларнинг кўпчилигига обьект ифодаловчисининг вазифаси ўзгармаган, яъни тўлдирувчидир. Масалан: Эски пальтосининг устидан елкасига жилд осган Ориф пайдо бўлди (Ў.Хошимов). Ҳовли юзини супуриб-сидириб келган Салтанатнинг ранги қув ўчди (Ў.Усмонов). Бу гапларда **осмоқ**, **супурмок** феълларининг объект ифодаловчилари жилд, ҳовли юзи сўzlари гапда тўлдирувчи вазифасида келган.

Юмуш феъллари сифатдош формасида келган баъзи гапларда объект ифодаловчиси аниқловчи-аниқланмиш қурилмасидаги аниқланмиш бўлиб, гапда турли вазифаларда келади. Масалан: Худди Ҳафиза тайёрлайдиган мантининг ўзи (Ў.Умарбеков). Шунча йилдан бери ҳаракат қилиб қурган посёлкамиз битди (Ў.Умарбеков). Ҳали ясаган қорбобомни тепиб бузиб ташлади-ку! (Ў.Хошимов). Бу мисолларнинг биринчисида **тайёрламоқ** феълининг объект ифодаловчиси **манти** сўзи гапда қараткич аниқловчи, иккинчи гапда **курмоқ** феълининг объект ифодаловчиси посёлка гапда эга, учинчи гапда **ясамоқ** феълининг объект ифодаловчиси **корбобо** воситасиз тўлдирувчи вазифаларида келган. Ҳар учала ҳолда сифатдош формасидаги юмуш феъли аниқловчи вазифасида бўлиб, объект ифодаловчиси аниқловчи-аниқланмиш қурилмасидаги аниқланмиш вазифасида келган. Демак, юмуш феъллари сифатдош формасида келганда, факат агенснинг белгисини билдиричай, обьектнинг ҳам белгисини билдиради. Лекин обьектнинг белгисини билдириши учун, албатта, иш-ҳаракатни бажарувчи агенс ифодаланган бўлиши керак. Масалан, Ҳафиза тайёрлайдиган манти, тарзида. Сифатловчи-сифатланмиш муносабатида агенс белгиси ифодаланса, сифатдош формасидаги юмуш феъли ўғридан-тўғри сифатланмишга боғланиб келади, яъни тайёрлайдиган Ҳафиза, тарзида. Объект белгисини билдирганда эса, иш-ҳаракатни бажарувчи ифодаланмаган бўлса обьектга кўшилган талик қўшимчалари орқали агенс англашилади. Демак, агар, биз турган посёлка, сўз биримасидаги биз тушиб қолса, белгини билдирувчи, ҳаракатнинг бажарувчиси қўйидагича ифодаланади,

**курган посёлкамиз.** Бунда феъл билдирган иш-харакатни бажарувчи эгалик қўшимчаси орқали кўплик, І шахсада эканлигини англашиляпти.

Бир нечта мисолда аниқланмиш вазифасидаги сўз-тушиб қолиб, юмуш феълининг сифатдоши отлашган. Масалан, Бахмалбоф маҳалла-духоба тўкийдиганлар маҳалласи (А.Қодирий). Эрта-индин ўлиб кетсан, тепкилиб қўмадиганимдан айрилиб қолдим, айланай (Ў.Ҳошимов). Эргашевнинг тобутини кўтаргандар орасида у ҳам бор (Ў.Умарбеков). Бу гапларда **тўқимоқ**, **кўммоқ**, **кўтар-моқ** феъллари сифатдош формасида отлашган ва гапда қаратқич аникловчи, воситали тўлдирувчи вазифасида келган. Уларнинг обьект ифодаловчилари биринчи гапда **духоба**, иккинчи гапда имплицит (мен), учинчи гапда тобут сўзлари дидир.

Мажхул нисбатдаги юмуш феъллари сифатдошининг обьект ифодаловчиси доим аникловчи-аниқланмиш курилмасидаги аниқланмиш бўлиб келади. Масалан: Ялпиз хидига қўшилиб димоққа урилган ер ҳиди умрнинг яна бир йили ўтганини эсга солади. Берунийнинг сўзлари оловга сепилган сувдек таъсир кўрсатди (М.Осим).

Равишдош формасида юмуш феълининг валент ифодаловчилари ўз вазифаларини ўзгартирмайдилар. Жумладан, обьект ифодаловчиси ҳам, одатдагидек, тўлдирувчи вазифасида келган. Сизнинг ҳам нормангизни териб берамиз (Ў.Умарбеков). Чўлбобо анчагина чукур қазиб қўйган (Ҳ.Ғулом). Ер ўчоклар қазиб бошладилар (М.Осим). Бу гапларда **термоқ** ва **қазимоқ** феълларининг обьект ифодаловчилари норма, чукур, ўчок сўзлари бўлиб, улар воситасиз тўлдирувчи вазифасида келган.

Юмуш феъллари ҳаракат номи формасида келганда, аксарият, бошқа валент ифодаловчилари шу гап таркибида бўлмаслиги мумкин. Бўлган такдирда ҳам обьект ва восита валентлиги ўз ўрнида ва ўз вазифасида бўлади. Масалан: Ҳовлини супуриш, идиш-товоркларни ювиш ўшанинг бўйнида (Х.Тўхтабоев). Мактабда хусниҳат машқ қилиб ўтирувчи болалар ичидан иккитасини гулзорни супуриб, сув сепишга буюрди (А.Қодирий). Афанди ўчокқа ўт ёқишига кўп уринди (Латифалар). Бу гапларда ҳаракат номи формасидаги юмуш феъллари **супурмоқ**, **ювмоқ**, **сепмоқ** ва **ёқмоқ** бўлиб, уларнинг обьект ифодаловчилари **ҳовли**, **идиш-товор**, **гулзор**, **сув**, **ўт** каби сўзлардир.

Юмуш феъллари сифатдош формасида келса, объект ифодаловчиси баъзан аниқловчи+аниқланмиш қурилмасидаги аниқланмиш бўлиб келиши мумкин, агар аниқловчи+аниқланмиш қурилмасидаги аниқланмиш агенс бўлса, объект ўз вазифасида, яъни воситасиз тўлдирувчи бўлиб келади. Юмуш феъли мажхул нисбатдаги сифатдош бўлса, объект ифодаловчиси, албатта, аниқловчи+аниқланмиш қурилмасидаги аниқланмиш бўлади.

Юмуш феъллари равишдош шаклида бўлса, объект ифодаловчи воситасиз тўлдирувчи вазифасида келади.

Юмуш феъллари харакат номи бўлса, объект ифодаловчисининг гапдаги вазифаси ўзгармайди. Улар гапда кўпинча реаллашмайди, агар мавжуд бўлган тақдирда, гапда воситасиз тўлдирувчи вазифасида бўлади.

## **ЮМУШ ФЕЛЬЛАРИ ТУРЛИ НИСБАТЛАРДА КЕЛГАНДА ОБЪЕКТ ИФОДАЛОВЧИСИННИГ ГАПДАГИ ВАЗИФАСИ**

Феъл нисбатлари феълнинг гапдаги бошқа сўзлар билан муносабатини ўзгартириб юборувчи категориядир. Шунинг учун унинг обьект билан муносабати ҳам, обьектнинг гапдаги вазифаси ҳам ўзгариб келади. Буни биз феълнинг ҳар бир нисбатини ўрганганимизда яққол кўрамиз.

1. Ўзлик нисбати феълни ўтимсизлаштиради. Шунинг учун юмуш феъллари ўзлик нисбатида келса, унинг обьект ифодаловчиси бўлмайди, ўзлик нисбатида феъл билдирган иш-ҳаракат агенсга қайтади. Демак, обьект вазифасини ҳам агенснинг ўзи бажаради. Масалан: Бемор шунча даволанса ҳам аҳволи яхшиланмас эди. Мардикорлар енгил-елпи чайиниб, тушликка ўтиришди (Газетадан). Бу гапдаги даволамоқ, чаймоқ феъллари ўзлик нисбатида, улар билдирган иш-ҳаракат агенсга, яъни бемор ва мардикор сўзларига қайтяпти. Демак, уларнинг обьект ифодаловчиси мавжуд эмас.

2. Юмуш феъллари мажхул нисбатда бўлганда, уларнинг агенс билан муносабати мавхумлашиб кетади ва гапда ўз ифодасини топмайди. Обьект ифодаловчиси эса гапда эга вазифасида келади. Масалан: Оқ шийпон устунларига оқ парда тортилди (Х.Ғулом). Оқ майин жундан, чеккасига ипақдан чиройли ҳошия тикилган (Х.Тўхтабоев). ...супанинг уч тарафига ёз гуллари экилган (А.Қодирий). Бу гапларда тортмоқ, тикмоқ, экмоқ юмуш феълларининг обьект ифодаловчилари парда, ҳошия, гул сўзлари бўлиб, улар гапда эга вазифасига келган.

3. Юмуш феъллари биргалик нисбатида келганда фақат бисубъектлилик содир бўлиб, феълнинг обьект билан муносабатида ўзгариш бўлмайди. Обьект ифодаловчиси гапда воситасиз тўлдирувчи бўлиб келади. Масалан: Улар кечгача дарахт экишди (Х.Ғулом). Иккалови бир амаллаб этакларни отга ортишди (Ў.Умарбеков). Қолганлари чўлга кетаётгтан юкларни араваларга ортишди (Х.Ғулом). Бу гапларда экмоқ, ва ортмоқ феъллари биргалик нисбатида келган бўлиб, уларнинг обьект ифодаловчилари дарахт, этак, юқ сўзлари гапда воситасиз тўлдирувчи вазифасида келган.

4. Орттирма нисбатда ҳам юмуш феълларининг агensi иккilanган шахс бўлади, яъни бажаришга ундовчи ва бажарувчи,

аммо объект билан муносабати ўзгармайди. Масалан: Мулозимга сарой ҳовлисини супуртириб.....(М.Осим). Сатторкул аканг уйини оқлатди (А.Қаҳхор)...масжидни қулфлатиб қўйган (Латифалар). Бу гапларда орттирма нисбатдаги **супурмок**, **оқламок**, **қулфламоқ** феълларининг объект ифодаловчилари ҳовли, уй, масжид сўзлари бўлиб, улар гапда воситасиз тўлдирувчи вазифасида келган.

Демак, юмуш феъли билан объект ифодаловчисининг муносабати биргалик ва орттирма нисбатларда ўзаришсиз қолар экан.

Хуллас, юмуш феъли аниқ нисбатда бўлса, объект ифодаловчisi воситасиз тўлдирувчи вазифасида бўлади. Юмуш феъли ўзлик нисбатда келса объект ифодаловчisi бўлмайди, харакат ўтувчи сўз агенснинг ўзи бўлади.

Юмуш феъллари орттирма ва биргалик нисбатларида келганда, объект ифодаловчисининг вазифасида ўзгармайди. Гапда у воситасиз тўлдирувчи вазифасида келади.

## ЮМУШ ФЕЛЬЛАРИДА ПАЦИЕНС

Юмуш феълларида ҳам морфологик, ҳам семантик каузация кузатилади. Кўп юмуш феъллари каузативдир. Бу феълларнинг маъно қурилмасидан келиб чиқади. Юмуш феълларининг маъно қурилмасида 'ижро' семаси бўлиб, улар ҳаракатнинг объектига фақат ўтибгина қолмай, ўша объектда якунланишини ҳам билдиради. Бундан ташқари барча юмуш феъллари ўтимлидир. Ўтимли феълларнинг семантикасида каузатив муносабат ифода этилади.

Каузатив юмуш феъллари аниқ нисбатда келганда, агенс шахс ифодаловчи сўз бўлиб, гапда эга вазифасини бажаради. Пациенс эса шахс ифодаловчи, жоноворларни билдирувчи сўз бўлиши мумкин ва тўлдирувчи вазифасида келади.

Пациенс жоноворларни билдирувчи сўз бўлган мисолларни кўриб чиқайлик. Бунда контакт-каузативни ҳам, дистант-каузативни ҳам учратиш мумкин.<sup>10</sup> Бу, албатта, феъл билдирган маъно билан боғлиқ. Масалан: Бола йўлда бир киши бир мушукни миёвлатиб, уриб, судраб юрганини кўрди (Ўзб.Х.Ў.И). Ушбу гапда **судрамоқ** феълидан англашилган иш-ҳаракат пациент – мушукда пассив акс этади. Бунда агенс – **бир кишининг** иш-ҳаракатни амалга ошириши биринчи навбатга ўтади. Демак, бу гапда контакт-каузативни кўрамиз.

Бошқа бир мисолда эса пациентсининг ҳаракати олдинги навбатга ўтиб, агенс ана шу иш-ҳаракатни амалга оширишда йўл қўювчи бўлиб қолади. Демак, бу дистант-каузативдир. Масалан Ёнғоққа боғлаб қўйилган эчкини икки марта сурордим (Ў.Хошимов). Бу гапда юмуш феъли **суформоқ**, агенси-имплицит (мен), пациенти эчки сўзи бўлиб, агенс (шахс) таъсирида пациент (эчки) иш-ҳаракатни амалга оширган (сув ичган). Агенснинг ҳаракати орқа планга ўтган.

Дистант-каузативли гапларнинг бирида пациент шахс билдирувчи сўз бўлиб, у гапда ифодаланмаган (имплицит). Лекин гапнинг маъносидан у англашилиб туради: Дўстларим: “Жуда сиқилиб кетдингиз, айланиб келамиз”, деб тоққа судрашибди (Ў.Хошимов). Бу гапда юмуш феъли **судрамоқ**, агенси дўстларим, пациенти имплицит (мени).

Морфологик каузативда пациент доимо шахсни билдиради. Чунки орттирма нисбат феълнинг агенсини объектга айлантирас

экан, биз биламизки, юмуш феълларининг агенси доимо шахс билдирувчи сўздир. Мисолларни кузатганимида, морфологик каузативли гапларда пациент гоҳ имплицит, гоҳ экплицит<sup>8</sup> ҳолда шахсни англатади. Масалан: ...мулозимга сарой ҳовлисини супуртириб қўйди (М.Осим). Бу гапда орттирма нисбатдаги **сунурмок** феълининг агенси имплицит (у), пациентси мулозим. Ушбу мисолда морфологик кузатувига хос яна бир хусусиятни учратамиз. Пациент воситали тўлдирувчи вазифасида келган. Лекин бу ҳамма гапларда ҳам ўз аксини топавермайди. Демак, морфологик каузативли гапларда гарчанд шу маъно англашилиб турса-да, пациент кучсиз факультатив валентлик ҳисобланади.

Ўша ўзи келиб тиллақош ясаттириб кетди (Ў.Умарбеков). Рўпарадаги деворни буздириб, тешикдан чиқиб кетасиз...(М.Осим). Бу гапларда орттирма нисбатдаги **ясамоқ**, бузмоқ феълларининг агенси ўзи, сиз олмошлари бўлиб, пациентси ифодаланмаган (имплицит), лекин гапнинг маъносидан пациент шахс билдирувчи сўзлиги, гапда воситали тўлдирувчи бўлиб келиши англашилади.

Юмуш феъли мажхул нисбатда келганда, пациент гапда эга вазифасида бўлади: Хўжа Абдулланинг фармойиши билан қасрнинг зинапояларига яна поёндоз тўшалди (П.Қодироқ). Оқшом шийпон устунларига оқ парда тортилди (Х.Фулом). Бу гапларда мажхул нисбатдаги **тўшамоқ**, тортмоқ феълларининг пациентси поёндоз, парда сўзлари эга вазифасида келган.

Келтирилган мисолларга асоссланиб, биз шуни айтишимиз мумкинки, юмуш феълларида ҳам морфологик, ҳам семантик каузация учрайди. Шу билан бирга уларнинг орасида контакт-каузатив ҳам, дистант-каузатив ҳам мавжуд.

Юмуш феълларининг пациентси морфологик каузативда шахс ифодаловчи сўз бўлади. Семантик каузативда эса шахс ифодаловчи жонивор ва бошқа предметларни билдирувчи сўз бўлиши мумкин.

## Хулоса

Юмуш феълларининг объект валентлиги таҳлил этилар экан, куйидаги натижаларга келинди.

1. Юмуш феълларининг объект валентлиги реаллашар экан, деярли доим гапда воситали тўлдирувчи вазифасида келади. Бунинг учун юмуш феъллари соф феъл, равишдош вазифаси шаклида,

аниқлик, биргалик, орттирма нисбатларда қўлланиши ва кесимлик вазифасида бўлиши шарт.

2. Юмуш феълининг объект актанти эга вазифасида ҳам келиши мумкин. Бунинг учун юмуш феъллари мажхул нисбатда қўлланади.

3. Юмуш феълларининг объект актанти аниқловчили бирикмаларнинг аниқланмиши вазифасида келиши мумкин. Бунда феъл аниқлик ва мажхуллик нисбатларидағи сифатдош шаклида қўлланади.

4. Юмуш феъллари қаратқичли бирикмаларнинг қаратқичи вазифасида ҳам қайд этилади. Бунда феъл ҳаракат номи шаклида келган бўлади.

5. Объект актанти от, сифат, олмош туркумидаги буюм ёки шахс билдирувчи сўзлар бўлиши мумкин.

## ВОСИТА ВАЛЕНТЛИГИ ВА УНИНГ ИФОДАЛАНИШИ

Юмуш феълларининг яна бир зарурий валентлиги – восита (инструмент) валентлигидир. “Феълларнинг инструмент валентлигига эга бўлиши ҳам...унинг ўрин келишикли инструмент актантини қабул қилиши учун имкониятдир. Бунда феъллар ижро семантикасида бўлиши шарт”.<sup>5</sup> Восита валентлиги ҳамма юмуш феълларида ҳам учрамайди. Баъзи феъллар семантикаси албатта “нима билан” деган мъянодаги сўзни талаб қилиб туради. Баъзиларида эса аксинча бундай ҳол кузатилмайди. Демак, восита валентлигига эга бўлиш юмуш феълларида чегаралангандир.

Масалан: ...орадан “абжад” сўзини тузук ёзib чиқарган боланинг кўлини боғлаб уйига юборди (А.Қодирий). Носир Пўлатов ҳовлида ток қирқаётган эди (Ў.Умарбеков). Бу гаплардаги боғламоқ ва қирқмоқ юмуш феъллари ифодалаган ҳаракат албатта бирор восита билан бажарилгани англашилиб туради. 1-гапда рўмолча ёки арқонча билан боғлаш мумкин (кўлни қўлга боғлаб кўёлмайсиз). 2-гапда эса токқайчи билан қирқиш мумкин (кирқмоқ феълининг маъно тузилишида ҳам 'пичоқ' ёки 'қайчи билан' деган узв бор.)

Восита валентлиги мавжуд бўлмаган феълларда эса бу ҳол кузатилмайди. Масалан: Салтанат ўрин солиб берди (Ў.Усмонов). Мен сомовар қўяй (А.Қаҳҳор). Бу гаплардаги солмоқ, қўймоқ юмуш феъллари билдирган иш-ҳаракатни бирон-бир иш қуроли ёки воситасисиз бажарилади. Демак, уларда восита валентлигининг ифодаловчилари ҳам бўлмайди, талаб ҳам қилинмайди.

Юмуш феълларининг жуда оз қисмида восита валентлиги бўлмаслиги мумкин. Бу феъллар билдирган иш-ҳаракатни бажарища инсон кўллари кифоя бўлади, иш қуроли талаб қилинмайди. Масалан, Хўжа Абдулланинг фармойиши билан қасрнинг зинапояларига яна поёндоз тўшалди (П.Қодиров). Чорбоғда тиллакори кўшк қурганингизда кўргансиз, Хонзода бегим (П.Қодиров).

Бу гаплардаги тўшамоқ ва қурмоқ феълларининг восита валентлиги йўқ, бу иш-ҳаракатга восита даркор эмас. Тўшамоқ каби феълларида тўшаладиган материалнинг ўзи мантиқан восита, шунинг учун восита валентлигига зарурият бўлмайди.

Восита валентлиги гапда баъзан ўз ифодасини топади, баъзан эса йўқ. Лекин нутқда у яққол англашилиб туради.

Восита валентлигининг ифодаловчилари икки хил маънони билдиради:

1. Восита маъноси.
2. Курол маъноси.

Восита маъносига у иш-харакатни бажаришида ёрдамчи нарсаларни билдириб келади. Бунда восита валентлиги киши мучасини ёки бошқа бирон ёрдамчи предметларни ифодалаши мумкин. Масалан: Сўнг сарғиш мўйловини кафти билан артар экан...(П.Қодиров). Йиллар заҳматидан дағал тортган бармоқлари билан пешонамни силагандек бўлди (Ў.Хошимов). Усмонов итни оёғи билан суритайтга кўтарили (Ў.Умарбеков). Бу гапларда артмоқ, силамоқ, сурмоқ феълларининг восита валентлиги ифодаловчилари кафт, бармоқ, оёқ каби инсон мучасини билдирувчи сўзлардир. Улар гапда воситали тўлдирувчи вазифасида келган.

Қиз соchlарини рўмолча билан маҳкам танғиб, белини камар билан боғлаб олган эди (М.Осим). Ойим томоғимни аччиқтош билан чайиб кўрди (Ў.Хошимов). Жарга кулаган трактор гусеницалари билан кўкрагини эзиз юборган эди (Ў.Умарбеков). Бу гапларда танғимоқ, боғламоқ, чаймоқ, эзмоқ феълларининг восита ифодаловчилари рўмол, камар, аччиқтош, гусеница каби нарсани билдирувчи сўзлардир.

Танғимоқ, боғламоқ, чаймоқ, артмоқ, сурмоқ, ўрамоқ, ёқмоқ, соғмоқ, урмоқ, ювмоқ, термоқ, бокмоқ, қулфламоқ, мойламоқ, бўямоқ, бузмоқ, сугормоқ, тикмоқ, сепмоқ, ташимоқ, дазмолламоқ феълларида восита валентлиги зарурий валентлик ҳисобланниб, уларнинг ифодаловчилари восита маъносини билдиради. Уларнинг восита ифодаловчилари турличадир. Масалан: рўмол, камар, кафт, бармоқ, оёқ, кўл, кўрпа, таёқ, совуни, ўт, калит, бўёқ, капкир, ип кабилар. Бу сўзлар ўртасида, албатта, семантик мослиқ бўлади, яъни улар ўзаро умумий классемага эга бўлади. Масалан, бармоқлари билан силамоқ сўз бирикмасидаги восита ифодаловчиси бармоқ сўзининг маъно тузилиши 'одам панжасининг' 'қисмлари' семаларидан иборат. Силамоқ юмуш феълининг маъно тузилиши эса 'маълум юзада' 'охиста' 'панжа юргизмоқ' семаларидан иборат. Бу сўзларда 'панжа' семаси классема ҳисобланади. Бошқа мисолларни ҳам семаларга ажратсак, уларни боғловчи классема мавжудлигига ишонч ҳосил қиласиз. Масалан: Филлар хартуми билан ўраб олиб ерга урар эди (М.Осим).

Курол маъносини билдирувчи восита ифодаловчилари гапда англашилаётган ҳаракатни бажаришдаги иш-куроли вазифасини ўтайди. Курол маъносидаги восита валентлиги маълум бир гурух юмуш феълларида мавжуддир. Бу эса ушбу феълларнинг маъносига боғлиқ бўлиб, бу феъллар билдирган иш-ҳаракат бирон-бир иш куролида бажарилиши керак бўлади. **Сўймоқ, чопмоқ, ўрмоқ, кесмоқ, қирқмоқ** каби. Масалан: Чўлбобо кетмон билан ток зангларини очар эди (Х.Ғулом). Ҳовлидаги итни қилич билан чопиб ташайдилар (П.Қодиров). Кейин ойим бандига узун таёқ боғланган бурган супурги билан супуриб чиқади (Ў.Ҳошимов). Бу гапларда очмоқ, чопмоқ, супурмоқ феълларининг восита ифодаловчилари кетмон, қилич, супурги сўзларидир.

Чопмоқ, тикмоқ, қирқмоқ, бўлмоқ, супурмоқ, бузмоқ, ўрмоқ, қазимоқ, узмоқ, пармаламоқ, кавламоқ, кесмоқ, ўймоқ, тўқимоқ,чувимоқ, кайрамоқ, тарамоқ, сўймоқ, тўғрамоқ, қирқмоқ феълларининг восита ифодаловчиси қурол маъносини билдиради. Улар иш-куролни билдирувчи куйидаги сўзларидир: кетмон, игна, пичоқ, супурги, лўм, ўрок, белкурак, эгов, кайчи, болға тароқ, қилич каби.

Шу ўринда биз восита валентлиги ифодаловчиларининг иккала гурухини фарқловчи бир мисол келтирамиз. Солиштиринг: тикмоқ феълининг восита ифодаловчиси **игна** бўлса, у қурол маъносини билдиради; агар ип бўлса, восита маъносини билдиради.

Восита ифодаловчиларининг гапда ўз ифодасини топиши баъзан қўмакчилар ёрдамида, баъзан эса келишик қўшимчалари орқали бўлади. Деярли барча восита ифодаловчилари билан қўмакчиси ёрдамида ифодаланиши мумкин. Агар келишик қўшимчалари орқали ифодаланса ҳам, уларни билан қўмакчиси билан алмаштириш мумкин бўлади. Демак, асосий, реаллаштирувчи билан қўмакчисидир. Масалан: Фақат мева билан даволайди (Ў.Умарбеков). Қани энди имкони бўлса, шу пичоқ билан оғриётган жойини бураб-бураб олиб ташласа (Ў.Умарбеков). Бу гапларда даволамоқ ва бурамоқ феълларининг восита ифодаловчилари мева, пичоқ сўзлари бўлиб, улар билан қўмакчиси ёрдамида боғланган.

Восита ифодаловчилари билан қўмакчиси билан боғланганда куйидаги маъноларни билдиради.

1. Иш куроли маъноси.
2. Транспорт-восита маъноси.

3. Ийсон мучаси маъноси.
4. Восита маъноси.

Масалан: Шу жой жуда зарур бўлса, кунлар юришиб кетганда ўзимиз омоч билан чопиб оламиз, деган эди (Ў.Умарбеков). Чўлбобо эшик олдини кетмон билан текислашга тушди (Х.Ғулом). Афанди ёнгокни пичоқ билан икки бўлди (Латифалар). Бу гапларда чопмоқ, текисламоқ, бўлмоқ феълларининг восита ифодаловчилари омоч, кетмон, пичоқ каби иш қуроли маъносидаги сўзлар бўлиб, улар билан кўмакчиси ёрдамида бириккан.

Юкларни арава билан ташиб олди. Ерларни трактор билан ҳайдаш керак-да (М.Ҳазратқулов). Бу гапларда ташимоқ, ҳайдамоқ феълларининг восита ифодаловчилари арава, трактор каби транспорт ва техника маъносидаги сўзлар бўлиб, улар билан кўмакчиси ёрдамида бириккан.

...айниқса, сенинг кўлинг билан туғилган мантилардан жуда мамнун бўлдим, Раъно (А.Қодирий). Авлиё бир бармоғим билан кўзингни ўяман, деган эди (Латифалар). Бу гаплардаги тугмоқ, ўймоқ феълларининг восита ифодаловчилари қўл, бармоқ сўзлари бўлиб, одамнинг мучаси маъносини билдиради.

...така мўйлови эса уй ичида майда мих билан деворга сим қоқарди (Ў.Усмонов). ....рўмоли билан манглайдаги терларни артиб, ўзини елпиди (А.Қодирий). ...ўзи ҳам маҳсили калишининг уни билан ерни титкилай бошлади (Ў.Хошимов). Бу гаплардаги қоқмоқ, артмоқ ва титкиламоқ феълларининг восита ифодаловчилари мих, рўмол ва калиш сўзлари бўлиб, восита маъносини англатади.

Аввал айтилганидек, восита ифодаловчилари юмуш феълларига келишик қўшимчалари билан ҳам боғланиши кузатилади. Бунда улар ўрин-пайт ёки жўналиш келишигида келиши мумкин. Келишик қўшимчаларини билан кўмакчиси билан алмаштирганимизда, нозик стилистик фарқ сезилади, аммо ҳеч бир маъно ўзгарниши содир бўлмайди. Масалан: Сочини устарада кирдирган (Ў.Усмонов). Иссиқ кўрпага ўраб, қайноқ-қайноқ чой ичиришди (Ў.Хошимов). Бу гапларни қуйидаги тарзда айтсак, хато бўлмайди: Сочини устара билан кирдирган. Иссиқ кўрпа билан ўраб, қайноқ-қайноқ чой ичиришди. Бу гапларда қирмоқ, ўрамоқ юмуш феълларининг восита ифодаловчилари устара, кўрпа сўзлари бўлиб, улар келишик қўшимчалари билан ҳам, кўмакчилар билан

ҳам реаллашиши мумкин. Бундай мисолларни кўплаб келтириш мумкин.

Баъзи мисоллар борки, уларда келишик қўшимчаси ўрнида билан кўмакчисини қўллаб бўлмайди. Масалан: Подшо боласини кифтида қўтариб келди. У гапдаги восита ифодаловчиси ўрин келишиги қўшимчаси билан келган. Уни билан кўмакчиси билан алмаштириб бўлмайди, яъни, Подшо боласини кифти билан қўтариб келди, дейилмайди.

Иш-харакатнинг маъносига кўра восита ифодаловчилари турли келишикларда келиши мумкин. **Кўтармоқ**, **қирмоқ**, **боғламоқ** феълларининг восита ифодаловчилари ўрин келишигига келган. Бунга биз юқоридаги гапларни мисол қилишимиз мумкин. Шу ўринда **кўтармоқ** феълининг **кифт** сўзи билан иккита гапда икки хил келишик қўшимчаси билан келганини кўрамиз:

1. Болани кифтида қўтарди.
2. Болани кифтига қўтарди.

Биринчи гапда **кифт** сўзи ўрин келишигига келган ва давомли иш-харакатнинг восита ифодаловчиси бўлиб келган.

Иккинчи гапда эса **кўтармоқ** юмуш феъли давомсиз, бир зabitli iш-харакат маъносини билдиради ва **кифт** сўзи восита эмас, ўрин маъносини билдирган.

Иккала гапда **кўтармоқ** юмуш феъли **кифт** сўзи билан боғланган. Лекин 1-гапда **кифт** восита ифодаловчиси бўлиб, ўрин келишигига келган ва узоқ муддат болани қўтариб келишда восита вазифасини ўтаганини англатади. 2-гапда эса **кифт** сўзи жўналиш келишигига келган бўлиб, болани қўтариб олинган жой, ўрин маъносини билдиради.

Восита ифодаловчилари ўрин келишигига келар экан, турли маъноларни билдиради.

1. Иш қуроли маъноси.
2. Транспорт-техника маъноси.
3. Инсон мучаси маъноси.
4. Восита маъноси.

Мисоллар келтирамиз.

1. Кўл аррада аралади. Гўштни чолқида майдалаб, қозонга солди. Бу гапларда **арраламоқ**, **майдаламоқ** феълларининг восита ифодаловчилари **арра**, чопқи каби иш қуроли маъносидаги сўзлардир.

2. Улар станцияга аравалар, извошларда катта-катта чамадонлар, қоплар, кўрпа-ёстиклар ортиб келишди (Х.Фулом). ..пахтамизнинг учдан бирини машиналарда тердик (Х.Фулом). Буғдорни комбайнда муддатидан олдин ўриб олишди. Бу гапларда **арава**, **извош**, **машина**, **комбайн** каби транспорт ва техника маъносидаги сўзлар ортмоқ, термоқ ва ўрмоқ феълларининг восита валентлигини ифодалаган.

3. Ўрин келишигидаги восита ифодаловчилари орасида инсон мучасини билдирувчи сўзлар жуда кам учрайди. Учрагандা ҳам, таъкидлаш, аниклаштириш, ажратиб ифодалаш маъноларини беради, яъни автобусда эмас, оёқда келдик ёки машинада эмас, қўлда тиқдим каби. Масалан: Онам кирни қўлда ювдилар. Бу гапда **ювмоқ** феълининг восита ифодаловчиси қўл сўзи ўрин келишигига келган бўлиб, мазмунан она кирни кир машинада эмас, қўлда ювгани таъкидланади.

4. Болалар белакда сув ташишди. Гулли дўппини ипакда тики. Бу гапларда **ташимоқ**, **тиқмоқ** феълларининг восита ифодаловчилари **белак**, **ипак** сўзлари бўлиб, улар ўрин келишигига келган. Улар аниклаштириш, дикқатни қаратишга хизмат қиласди.

Восита ифодаловчиси жўналиш келишигига бўлган феъллар ўзига хос маънога эга бўлади. Масалан, **артмоқ** ва **ўрамоқ** феълларининг восита ифодаловчилари жўналиш келишигига келган. Мисолларга эътибор берайлик: Кейин шоша-пиша кўрпачага ўради (Ў.Хошимов). Оёқларини остонаядаги латтага артиб, ичкари кирди (Ў.Усмонов). Бу гаплардаги **ўрамоқ**, **артмоқ** феълларининг восита ифодаловчиси кўрпача, латта сўзларидир. Ушбу восита ифодаловчиларини реаллаштирувчи жўналиш келишиги кўшимчасини ўрин келишиги қўшимчаси ва билан кўмакчиси билан алмаштириб кўрамиз:

1. Кўрпачага ўралган.

Сочикқа артилган.

2. Кўрпачада ўралган.

Сочикда артилган

1. Кўрпача билан ўралган.

Сочик билан артилган.

Биринчи мисолларда, яъни восита ифодаловчиси жўналиш келишигига келганда, восита ифодаловчилари эмас, объект ҳаракатда эканлиги англашилади.

Иккинчи мисолларда, яъни восита ифодаловчилари ўрин келишигида келганда, иш-харакат анча олдин бажарилгани, бу эса кечимдан кейинги холат эканлиги англашилади.

Учинчи мисолларда билан кўмакчиси билан келганда, объект эмас, балки восита ифодаловчиси ҳаракатда эканлиги англашилади.

Демак, восита ифодаловчилари турли грамматик формаларда келар экан, маъно тузилишида нозик фарқланиш мавжуд бўлади.

Восита ифодаловчиларини реаллаштирувчи яна бир грамматик форма -лаб равиш ясовчи қўшимчасидир. Бу қўшимчанинг ўрнида ҳам билан кўмакчиси ёки ўрин келишиги қўшимчасини қўллаш мумкин бўлади. Масалан: Феруза ош хамирни муштлаб пишита бошлиди (Х.Ғулом). Ғўзанинг устидан чеълаклаб сув қуйсак, ширасини ювиб кетади-ку (Х.Тўхтабоев). Бу гапларда пишитмоқ, қўймоқ феълларининг восита ифодаловчиси мушт, чеълак сўзларидир. Улар гапда, одатдагидек, воситали тўлдириувчи эмас, равиш ҳоли вазифасида келган.

Баъзан юмуш феълларининг восита ифодаловчиси мавжуд гап курилмасида бўлмаслиги, аммо бундан олдинги бошқа гап курилмасида у мавжуд бўлиши мумкин. Бундай мисоллар жуда кўп учрайди. Уларда восита ифодаловчисининг воситалик вазифаси янада бўрттирилади. Масалан: Дадам икки-уч йилдан буён бульдозер ҳайдаб, ер текислайди (Х.Тўхтабоев). Сочиқ ҳўллаб, гиламни тозалади (Х.Ғулом). Худди доришуноснинг кил торозусига солиб ўлчагандай (Ў.Усмонов). Бу гаплардаги текисламоқ, тозаламоқ, ўлчамоқ феълларининг восита ифодаловчилари бульдозер, сочиқ, торозу сўзларидир, лекин улар юмуш феъллари билан битта гап тизимида келмаган. Агар бу восита ифодаловчилари билан юмуш феълларини бир тизимга келтирсак, улар қўйидагича кўринишда бўлади: бульдозерда ер текислайди, ҳўл сочиқда гилам тозалайди, кил торозусида ўлчагандай. Демак, текисламоқ, тозаламоқ, ўлчамоқ феълларининг восита ифодаловчилари бульдозер, сочиқ ва торозу сўзлари ўрин келишигида келиши мумкин бўлар экан.

Бир нечта мисолларда восита ифодаловчиси гапда тушум келишигида келиб, воситасиз тўлдириувчи вазифасини бажарган. Лекин бу улар гапда объект ифодаловчиси бўлади, деган гап эмас. Бу фақат сўзлашувимиздаги бир кўриниш, холос. Чунки семантик жихатдан улар восита ифодаловчиси эканлиги яққол англашилиб туради. Масалан: Ўроғимни ўраман (П.Қодиров). Улоқчи отек

манзилга югуради-ю, ер хайдайдиган отдек ҳар куни омоч ҳайдайди (Ў.Хошимов). Менинг ҳам шу болалар билан эгатларга ёнма-ён тушиб олиб, мусобақалашиб, кетмон чопгим келади (Х.Тўхтабоев). Афанди кўш ҳайдаётган эди (Латифалар). Бу гаплардаги ўрмоқ, ҳайдамоқ, чопмоқ феълларининг восита ифодаловчилари ўроқ, омоч, кетмон, кўш сўзлари бўлиб, тушум келишигига келган. Аслида, бу сўзлар касб-хунар маъносини ифодалагани учун ҳам уларга ургу бериш мақсадида тушум келишигига ифодаланган.

Восита ифодаловчиларининг тушум келишигига келиши нутқ тежамкорлиги натижасидир. Курол маъносидаги сўз хунарни билдиrsa ёки агенс ифодаловчиси доимий шуғилланадиган асбоб куролини ифода этса, восита ифодаловчиси тушум келишигига келади. Восита ифодаловчиси, касб-хунардан ташқари турли мақсадларда фойдаланиш мумкин бўлган куролни билдиrsa, у тушум келишигига келмайди. Солиширинг, ўроғимни ўраман, дейиш мумкин, аммо ҳеч қачон пичофимни кесаман, ё қайчимни кирқаман, дейилмайди.

Демак, хунар маъносини билдирувчи иш-ҳаракатни ифодалайдиган феълларининг восита ифодаловчиси тушум келишигига келиши мумкин. Бу қуролларни фақат шу касб эгаси, яъни ўрища ўроқчи, ер чопища дехқон ишлатиши мумкин. Энди пичоқ, қайчи каби восита ифодаловчиларига келсак, улардан хунар эгасидан бошқалар ҳам турли мақсадларда фойдаланадилар.

Иккита мисолда восита ифодаловчиси бош келишикда келиб, гапда эга вазифасини бажарган. Бу ҳам тилнинг, сўзлашувнинг ўзига хослигидир. Лекин яна семантик жиҳатдан биз уни факат восита ифодаловчиси, деб қараймиз. Масалан, Қайси бир йили ҳам кимнингдир бармогини ўроқ қирқиб кетган эди (Ў.Умарбеков). Чап бармогининг қорамтир тирноғи (пичоқ ё ўроқ кесиб кетган бўлса керак) чиганоқдек буралиб қолган (Ў.Умарбеков). Бу гаплардаги қирқмоқ, кесмоқ феълларининг восита ифодаловчиси ўроқ, пичоқ сўзлари бўлиб, гапда эга вазифасида келган.

Бу ҳолларда гапдаги эга (субъект) эллипсисга<sup>8</sup> учраб тушиб қолган. Курол маъносидаги ўроқ, пичоқ унинг вазифасини ўз зиммасига олган ва бажарувчи бўлиб қолган. Аслида, мантиқан улар иш-ҳаракатни амалга ошириши асло мумкин эмаслиги, ўроқ ва пичоқни ҳаракатга келтирувчи инсон борлиги англашилиб туради. Демак, бу гапларда ўроқ ва пичоқ иш-ҳаракатнинг вужудга

келишидаги қурол бўлиб, кесмоқ, қирқмоқ феълларининг восита ифодаловчиларидир.

Восита валентлиги юмуш феълларининг аксарият қисмида шакллантирувчи ҳисобланади. Чунки ҳар сафар уларнинг маъно тузилишидаги 'бирон нарса билан' деган узвига мос сўз талаб килиниб туради ва деярли ҳамма гапларда восита ифодаловчи сўз учрайди. Масалан, кўрпа билан, хартуми билан, пичоқда каби.

Восита валентлиги зарурий ва шакллантирувчи бўлган феъллар куйидагилардир: боғламоқ, қоқмоқ, кесмоқ, тўғрамоқ, қайрамоқ, тарамоқ, бўямоқ, ўймоқ, чопмоқ, ўрамоқ, қазимоқ, тикмоқ, қирқмоқ, тўқимоқ, текисламоқ, ҳайдамоқ, ўлчамоқ, артмоқ, ювмоқ. Эътибор билан қарасак, бу феъллар билдирган иш-ҳаракатни бирон бир қуролсиз бажариб бўлмайди, яъни қўл билан бирон-бир нарсани кесиб бўлмайди, ўлчаш учун ҳам албатта бирорта идиш ёки тарозу керак ва ҳоказо.

Гапда баъзан восита валентлиги ифодаловчиси ўз аксини топмаган бўлиши мумкин. Лекин аввал таъкидланганидек, юмуш феъли маъносидан англашилиб туради. Демак, восита валентлиги бу феълларда зарурий (облигатор) валентликдир. Масалан: Оғзини маҳкам чилвир билан боғлаб қўйди (М.Осим). Ҳаммомда ўз ҳанжари билан томирини қирқди (Ў.Умарбеков).

Бу ва бошқа шу каби гапларда юқоридаги фикримиз тасдиқланади. Булардан боғламоқ, қирқмоқ феълларининг восита ифодаловчилари чилвир, ҳанжар сўзларидир.

Мантиқан, ушбу феълларининг восита валентлиги реализатор, зарурий ҳисобланади.

Демак, восита валентлиги ҳам, объект валентлиги каби, юмуш феълларининг маъно тузилишидаги бир узв билан мослашиб, унинг маъносини очиб беради. Бундан ташқари, восита валентлиги феълда англашилган иш-ҳаракатни тўлдириб, воситасиз шу ҳаракат амалга ошмаслигини англатади. Шу билан восита валентлиги ҳам юмуш феъли маъносининг тўлиқ акс этишини таъминлайди.

## Хулоса

1. Восита валентлиги юмуш феълларининг зарурий валентлигидир.
2. Восита валентлиги ифодаловчилари маъносига кўра иккига бўлинади:
  - 1) восита маъноси; 2) қурол маъноси.

3. Улар гапда **билин** кўмакчиси ва ўрин, жўналиш келишиги қўшимчалари орқали реаллашади.
4. Гапда асосан воситали тўлдирувчи вазифасида келади.
5. Юмуш феълларининг восита ифодаловчиси асосан от туркуми орқали ифодаланиб, нарса, қурол кабиларни билдириб келади.
6. Юмуш феълининг восита ифодаловчиси гапда равиш ҳоли вазифасида ҳам келади. Бунда восита ифодаловчиси вазифасидаги сўз одатдагидек от туркуми эмас, балки от+лаб қўшимчаси билан ясалган равиш орқали ифодаланади.

## АДРЕСАТ ВАЛЕНТЛИГИ ВА УНИНГ ИФОДАЛАНИШИ

Юмуш феълларининг яна бир валентлиги адресат валентлигидир. Юмуш феълларида ифодаланган иш-харакат шу валентлик актантига йўналган бўлади, яъни адресат ҳаракатни қабул килувчи ҳисобланади. Адресат ифодаловчилари асосан шахс билдирувчи сўзлар бўлади. Агар шахс ифодаловчи сўз бўлмаса, у кўчма маънода, шахс ўрнида қўлланган сўз бўлади. Йўналиш маъноси жўналиш келишигига ифодаланади, шунинг учун аксарият адресат ифодаловчилари жўналиш келишигига келади.

Адресат валентлиги ифодаловчиларининг маъно тузилиши шундай бир ўзига хоски, бу валентликка ўз-ўзидан эга бўлган, адресат валентлиги зарурий валентликка айланган юмуш феъллари мавжуд, шу билан бирга адресат зарурий бўлмаган, у маълум шартга кўра талаб килинган, яъни адресат валентлиги факультатив валентлик ҳисобланган феъллар мавжуд.

Юмуш феълларининг кўпчилигига адресат бор ва у фаол иштирок этган. Адресат ифодаловчилари турли сўз туркумига оид бўлиши мумкин. Қандай сўз туркумида бўлмасин, улар, бир нечта истисно мисолларни ҳисобга олмаганда, шахс маъносини англатади: Саида опа ҳаммага чой қўйиб узатди (Ў.Умарбеков).

Холат феълларида ҳам адресат ва адресат валентлигига эга феълнинг агенси (адресант) шахс ифодалайди, яъни агенси шахсни билдирувчи ҳолат феълларигина адресат валентлигига эга бўлади. Умри Умидага ўхшайди (Ҳ.Назир).

Адресат валентлиги от сўз туркуми орқали ифодаланиши мумкин. Бунда у ҳар хил маънони билдириб келади:

1. Шахс билдирувчи турдош отлар. Масалан: Чунки хонга зулм пичоини қайраб бериш, шу мансабда узоқ яшамоқнинг асосий шартидир (А.Қодирий). Афанди, худо бандаларига кулоқ улашганда эшак билан баровар борган экансиз-да! (Латифалар). Бу гапларда **қайрамоқ, улашмоқ** феълларининг адресат ифодаловчиси **хон, банда** сўзларидир.

2. Қариндош-уруғ номлари. Масалан: Гўштни онангга тўғраб бер (А.Қодирий). Майли, ўғлим, келинимга мен ундан яхшисини ясаб бераман (Ў.Умарбеков). Бугапларда **тўғрамоқ, ясамоқ** юмуш феълларининг адресат ифодаловчилари она ва келин сўзларидир.

3. Атоқли отлар. Масалан, Мана шу ерга Анвар акангга уй солиб берамиз (А.Қодирий). ...ул нобакор Нуҳ бинни Мансурга қарши

исён байробини кўтариб...(М.Осим). Бу гапларда **солмоқ ва кўтармоқ** феълларининг адресат ифодаловчилари Айвар ака, Нуҳ бинни Мансур сўзларидир.

Адресат ифодаловчилари яна кишилик олмошлари билан ҳам ифодаланиши мумкин. Масалан, Яхшибой аканинг ўзи сизга чўлдан юз гектар ҳайдаб берарди (Ў.Умарбеков). ..чол унга ўрин солиб берганда ҳам...(А.Қаҳхор). Бу гапларда **ҳайдамоқ, солмоқ** феълларининг адресат ифодаловчилари **сиз ва улар олмошларидир**.

Адресат ифодаловчилари отлашган сўзлар билан ифодаланиши мумкин. Масалан: Калтак ўқталганда тўқмоқ кўтар (Макол). Бу гапда **кўтармоқ** юмуш феълининг адресат ифодаловчиси **ўқталган** сифатдоши бўлиб, у отлашган сўздир.

Баъзи гапларда адресат мазмундан англашилиб турса-да, гапда ўз ифодасини топмаган, яъни у имплицит бўлади. Уларни ҳам имплицит агенсини келтириб чиқаргандек, шахс-сонни мантиқий ифодалардан аниқлаштириб, кишилик олмошлари орқали ифодаласа бўлади. Масалан: Кейин ўзим яхши кўрган шоколаддан икки-учтасини узатиб, бор, энди бир пас ўйнаб келгин, -дейди (Х.Тўхтабоев). Томдан ўтин ташлаб бергин (Х.Тўхтабоев). Бу гапларда **узатмоқ, ташламоқ** юмуш феълларининг адресат ифодаловчилари имплицит, лекин иккала гапда ҳам адресат I шахс, бирлиқдаги киши маъносини билдиради. Чунки биринчиси гапда ўзим сўзи шоколад кимга узатилганини билдириб турса, иккинчи гапда сўровчининг нутқидаги феъл буйруқ-истак майлида бўлиб, **менга ташлаб бергин**, деган илтимос англашиляпти.

Баъзи гапларда адресат ифодаловчилари инсон мучасини билдирувчи сўз бўлади, яъни улар бутуннинг қисмини ифодалайди. Бунда ҳам иш-харакат шахсга қаратилади, фақат умуман шахсга эмас, унинг бирон-бир тана аъзосига йўналтирилган бўлади. Масалан: Графиндаги сувдан боланинг юзига сепди (М.Ҳазраткулов). Тракторчи шу ерга чолни ётқизиб, кўкрагига сув сепаётган эди (Ў.Умарбеков). Шу он Сипарангиз кўйнидан кичкинагина ялтироқ пичоқча олди-ю, ўзининг кўксига санчиб...(М.Осим). Бу гапларда **сепмоқ, санчмоқ** феълларининг адресат ифодаловчиси юз, кўкрак ва кўкс сўзлари бўлиб, аслида улар боланинг юзи, чолнинг кўкраги, ўзининг кўкси тарзда шахсни билдиради.

Бир неча мисолимизда адресат шахс ифодаламайди, лекин маъносидан шахсга ишора сезилиб туради. Масалан: Мехмонхона

торлик қилганидан мактаб учун маҳсус бино ёпди (А.Қодирий). Бу гапда ёпмоқ юмуш феълининг адресат ифодаловчиси мактаб сўзидир. Лекин бино мактаб талабалари учун курилгани яққол англашилиб туради. Ёки яна бир мисол: Чўл баҳор келинчаги оёғи остига чечаклар билан безанган яшил поёндозини ёйиб ташлади (М.Осим). Бу гапда агенс ҳам, адресат ҳам аллегорик образлардир, яъни автор уларни жонлаштириб, шахс сифатида беради. Ушбу гапда ёймоқ феълининг адресат ифодаловчиси баҳор келинчаги оёғи сўз бирикмасидир.

Баъзан адресат ифодаловчилари жамоа, ташкилотни билдирувчи институт, маҳалла каби сўзлар бўлиши мумкин. Ушбу жамоа ёки ташкилот инсонлардан иборат. Демак, адресат ифодаловчиси шахсни билдиради, деган шартимиз яна сақланиб қолди.

Юмуш феълларининг адресат ифодаловчиси, аввал айтилганидек, жўналиш келишигига бўлади. Шу билан бирга улар қараб, учун, атаб, қарши кўмакчилари билан ҳам келади. Бунда адресат маъноси кўмакчилар маъноси билан боғлиқ бўлади. Бирбиридан кўмакчи билдирган маънога кўра фарқланади. Шулардан учун, атаб кўмакчилари аталганлик маъносига қўлланар экан, адресат ҳам шундай маъно ифодалаганини кўрамиз. Масалан: Улар учун шундай катта молхона қурган эдикки...(Латифалар). Онам менга атаб атайлабдан кулча ясаган (Ў.Хошимов). Бу гапларда қурмоқ, ясамоқ юмуш феълларининг адресат ифодаловчилари улар, мени сўзларидир. Иш-ҳаракат ўтувчи объект ана шу адресат ифодаловчиларига аталганлиги англашилади.

Қарши кўмакчиси қарама-қаршилик маъносига қўлланади. Шунинг учун бу кўмакчи билан келган адресат ифодаловчисида ҳам шу маънони кўрамиз. Масалан: ...ул нобакор Нуҳ бинни Мансурга қарши исён байробини кўтариб, Моваруннаҳр тинчини бузмокда (М.Осим). Бу гапда кўтармоқ феълининг адресат ифодаловчиси Нуҳ бинни Мансур бўлиб, иш-ҳаракат ана шу адресат ифодаловчисига қарама-қарши йўналганлиги билдирилади.

Кейинги мисолда ҳам шунга ўхшаш ҳолни кўрамиз. Бу гапда қараб кўмакчиси кўлланган. Лекин қараб кўмакчиси билан келганда қарши кўмакчиси билан келгандаги кескинлик сезилмайди. Масалан: ...ойим кўлидаги таёқни менга қараб отди (Х.Тўхтабоев). Бу мисолда отмоқ феълининг адресат ифодаловчиси томон йўналганлиги билдирилади. Демак, ҳар хил кўмакчилар билан ифодаланганда, адресат ва юмуш феъли орасидаги

муносабатда нозик фарқланиш мавжуд бўлади. Гапда адресат ифодаловчилари доим воситали тўлдирувчи вазифасида келади. Юқоридаги кўрган мисолларимиз фикримизни тасдиқлайди.

Юмуш феълларининг адресат валентлигига эга бўлиш имкониятини кўриб чиққанимизда, куйидаги ҳолнинг гувоҳи бўлдик. **Сузмоқ, солмоқ, ясамоқ** каби юмуш феълларининг адресат ифодаловчиларига шу иш-ҳаракат ёки объект аталган бўлади ёки бағишиланади. Масалан: Анвар уларга дастурхон ёзиб...(А.Қодирий). Ферузаойга атаб ертўлага атайлаб узум осди (Х.Фулом). Чунки мулла Фазлиддин чорбоғда Бобур учун кўшк курган...(П.Қодиров). Бу гапларда **ёзмоқ, осмоқ, курмоқ** феълларининг адресат ифодаловчилари биринчи гапда (**улар**) жўналиш келишигига, иккинчи гапда (**Ферузаой**) жўналиш келишигига ва атаб кўмакчиси билан, учинчи гапда (**Бобур**) учун кўмакчиси билан берилган.

**Юкламоқ, орқаламоқ, термоқ** каби феълларнинг адресат ифодаловчилари аталганлик маъносини бермайди. Уларнинг маъно тузилиши бутунлай бошқача бўлиб, бунда юмуш феъллари билдириган иш-ҳаракат адресат ифодаловчиси ўрнига агенс томонидан бажарилганлиги англашилади, яъни: Улар қизларга пахта териб беришли. Бу гапда **термоқ** юмуш феълининг адресат ифодаловчиси **қизлар** сўзидир.

Юмуш феълларидан англашилган иш-ҳаракатнинг ўзида адресат зарурияти бор феъллар сезилиб туради. Масалан: овқат сузмоқ; бунда овқат, албатта, кимгадир сузилади. Адресат валентлиги ушбу феълларда худди ўтимли феълларнинг обьекти каби талаб килиниб туради. Масалан, сотмоқ феъли. Гилам сотсанг, кўшнингга сот! (Мақол). **Сотмоқ** феълида айнан шундай ҳолатни кўрамиз. Сотиш жараёнинг ўзи адресатсиз содир бўлмайди. Мана шунақа адресат валентлиги зарурий бўлган юмуш феъллари бор ва, аксинча, уларга зарурат бўлмаган юмуш феъллари бор. Адресат валентлиги зарурий бўлмаган феълларнинг баъзиларига **бермоқ** кўмакчи феълини кўшсак, адресат зарурати пайдо бўлади. Бу ҳолда адресат ифодаловчисига зарурат **бермоқ** кўмакчи феъли билан биргаликда англатган маънода мавжуд бўлади. Чунки ушбу кўмакчи феълининг маъно тузилишида адресат валентлигини талаб килувчи узв бор, яъни бермоқ феъли маъносида аталиш маъноси бордир. У юмуш феълига кўшилганлиги туфайли таркибли феъл маъносида адресат валентлиги бор бўлади. Ҳақиқатдан, бундай

гапларни кузатганимизда, адресат валентлиги мавжуд эканлигини кўрамиз, аммо **гилам сотмоқ** сўз бирикмасидаги адресат ифодаловчиси билан **ерни чопиб бермоқ** сўз бирикмасидаги адресат ифодаловчилари орасида фарқ бор, албатта. Масалан, **бермоқ** кўмакчи феълини **сотмоқ** феълига қўшсак, **гилам сотиб бермоқ** тарзида бўлади. Унинг адресатини қўйиб кўрайлик: қўшнимга гилам сотиб бердим. Энди иш-ҳаракат ўтувчи объект қўшнимга сотилмади. Қўшнининг гилами менинг ёрдамимда сотилди.

**Ерни чопиб бермоқ** сўз бирикмасида эса объект эмас, иш-ҳаракат адресатга бағишланади. Ана шу хусусиятларига кўра юмуш феълларини икки гурухга ажратамиз:

1. Адресат ифодаловчиси юмуш феълининг ўз мазмунидан яққол талаб қилинган феъллар.

2. Адресат ифодаловчиси юмуш феъли + бермоқ кўмакчи феъли таркиби феъли мазмунидан талаб қилинган феъллар.

Биринчи гурухга қуйидаги феълларни киритамиз: **тиқмоқ**, **узатмоқ**, **супурмоқ**, **сотмоқ**, **сепмоқ**, **узмоқ**, **сузмоқ**, **куймоқ**, **ёймоқ**, **солмоқ**, **тўқимоқ**, **ёзмоқ**, **курмоқ**, **ясамоқ**, **очмоқ**, **тайёрламоқ**. Масалан: Обиджон этигини этаги билан артиб, акасига узатди (А.Қахҳор). Агар шаҳаншоҳ бизга меҳмон бўлиб келса, оёғига қирқ кўчкор сўямиз (М.Осим). Анвар уларга дастурхон ёзиб...(А.Қодирий). Бу гапларда **узатмоқ**, **сўймоқ**, **ёзмоқ** феълларининг адресат ифодаловчилари **ака**, **шаҳаншоҳ**, улар сўзларидир.

Иккинчи гурухга қуйидаги феълларни киритамиз: **юкламоқ**, **чопмоқ**, **ташламоқ**, **беламоқ**, **кўммоқ**, **ювмоқ**, **термоқ**, **эммоқ**, **судрамоқ**, **тутмоқ**, **кулфламоқ**, **мойламоқ**, **бузмоқ**, **қазимоқ**, **тозаламоқ**, **ортмоқ**, **қайрамоқ**, **ўймоқ**, **тузатмоқ**, **суғормоқ**, **ҳайдамоқ**, **тортмоқ**, **кўтартмоқ**. Масалан: Чунки хонга зулм пичогини қайраб бериш...(А.Қодирий). Томдан ўтин ташлаб бергин (Ў.Умарбеков). Яхшибой аканинг ўзи сизга чўлдан юз гектар ҳайдаб берарди (Ў.Умарбеков). Бу гапларда **қайрамоқ**, **ташламоқ**, **ҳайдамоқ** юмуш феълларининг адресат ифодаловчилари **хон**, сиз сўзлари бўлиб, учинчи гапда имплицит /мен/ дир.

## **Хулоса**

1. Адресат валентлиги юмуш феълларининг факультатив валентлигидир.
2. Юмуш феъллари ўз маъносига кўра адресат талаб этувчи ва бермоқ кўмакчи феъли билан таркибли феъл ҳолида адресат талаб қилувчи феълларга бўлинади.
3. Улар гапда жўналиш келишиги ва учун, атаб, қараб, қарши кўмакчилари ёрдамида феъл билан бирикади.
4. Гапда воситали тўлдирувчи вазифасида келади.
5. Юмуш феълларининг адресат актанти, асосан, шахс билдирувчи от, олмош ва отлашган сўзлар билан ифодаланади.

## ЎРИН ВАЛЕНТЛИГИ ВА УНИНГ ИФОДАЛАНИШИ

Юмуш феълларининг маъно тузилиши амалий ҳаракат билан боғлиқ ва бирор нарсага ўтиш хусусиятiga эга. Бундай ҳаракат содир этилиши учун, албатта, жой ва макон бўлиши керак бўлади. Юмуш феълининг имкониятларини ўрганар эканмиз, ана шу жой маъносидаги сўзга талаб сезилиб туради. Бу юмуш феълларининг яна бир валентлиқ, локалис (ўрин) валентлигига эга эканлигини кўрсатади.

Юмуш феълларининг ўрин валентлиги ифодаловчилари катта сатҳдаги жойларни билдирувчи сўзлар бўлиб, юмуш феъллари билдирган ҳаракатнинг амалий хусусиятга эга эканлиги билан боғлиқдир. Масалан: “Правда” колхозининг тоғли ерларида ўт ўрилмай келар эди (Ў.Умарбеков). Янаги йилданоқ далаларнинг барига шу Азизнинг навидан экардим (Ў.Усмонов). Буларнинг зиммаларига тушадиган вазифалар – хумдондан ғишт, Зарбулоқдан кум ташиб (А.Қаҳҳор). Бу гапларда ўрмоқ, экмоқ, ташимоқ феълларининг ўрин ифодаловчилари ер, дала, Зарбулоқ сўзларидир. Ўрин ифодаловчилари биринчи гапда ўрин келишигига, иккинчи гапда жўналиш келишигига ва учинчи гапда чиқиш келишигига келган.

Энди ўрин валентлигига эга бўлган ҳолат феълларида ўрин актантининг ифодаланишига эътибор берайлик. Ҳолат феълларининг локалис актанди ҳар доим ўрин келишигига ифодаланади. Асосан шу келишикдаги нутқ бирлиги феълда ифода топган ситуациянинг бажарилиш ўрин билан бевосита боғланади.<sup>16</sup>

Юмуш феълларида эса ўрин ифодаловчилари ўрин келишигидан ташқари жўналиш ва чиқиш келишикларида ҳам ифодаланиши мумкин. Бу ҳам юмуш феълларининг маъно тузилишидаги амалий ҳаракат, фаоллик билан боғлиқ. Ҳолат феъллари ифодаланган маъно эса жўналиш ёки чиқиш келишигидаги ўрин ифодаловчилари билан муносабатга кириша олмайди.

Ҳолат феълларидағи 'ҳолат' узви бирон жойга ёки бирон жойдан йўналиши мумкин эмас. Ҳолат феъллари билдирган иш-ҳаракат фақат бирон жойда содир бўлиши мумкин. Масалан, гавдаланмоқ ҳолат феъли фақат кўз олдида гавдаланади бўлиши мумкин. Кўз олдига гавдаланади ёки кўз олдидан гавдаланди, тарзида бирикиши асло мумкин эмас. Юмуш феълларидағи 'ҳаракат' узви эса ҳар учала келишик билан бирика олиш имконини

беради. Чунки юмуш феъллари маъносидаги амалий ҳаракат бирон жойга ёки бирон жойдан йўналиши мумкин. Қиёсланг:

Далага эммоқ.  
Далада термоқ.  
Даладан термоқ.

Юмуш феъллари ўрин валентлиги ифодаловчилари билан муносабатга киришар экан, баъзи феъллар чиқиш, баъзилари жўналиш келишиги ёрдамида асло реаллаша олмайди. Масалан, узмоқ, термоқ каби феълларнинг ўрин ифодаловчилари ўрин ёки чиқиш келишигига келмайди. Эммоқ, курмоқ, сепмоқ каби феълларнинг ўрин ифодаловчилари эса ўрин ва жўналиш келишигига бўлиши мумкин, лекин ҳеч қаҷон чиқиш келишигига реаллашмайди. Бу юмуш феълларининг семантик хусусиятлари билан боғлиқдир.

Термоқ, узмоқ каби феълларда ҳаракат объект ўрнидан бажарувчига қараб йўналган бўлади. Жўналиш келишиги ўрин маъносини билдирганда, йўналиш маъноси бажарувчидан бошланади. Шунинг учун ушбу феъллар билдирган ҳаракатнинг ўрнини жўналиш келишигига ифодалаш мантиқан тўғри келмайди. Юқорида айтганимиздек, бу феълларнинг ўрин ифодаловчилари ўрин ёки чиқиш келишигига ифодаланади. Масалан:...тандирдан гижда узаётган новвойнинг олдида тўхтаб...(Латифалар). “Правда” колхозининг тогли ерларида ўт ўрилмай келарди (Ў.Умарбеков). Бу гапларда узмоқ ва ўрмоқ феълларининг ўрин ифодаловчилари чиқиш келишигидаги тандир ва ўрин келишигидаги ерлар сўзларидир.

Эммоқ, солмоқ, сепмоқ каби феълларда ҳаракат бажарувчидан объект ўрнига қараб йўналган. Чиқиш келишиги ўрин-жой маъносини билдирганда, йўналиш объект ўрнидан бошланади. Шунинг учун юқоридаги феъллар англатган ҳаракатнинг ўрин ифодаловчилари чиқиш келишигига келиши мантиқан тўғри бўлмайди. Улар ўрин ёки жўналиш келишигига бўлиши мумкин. Масалан ...куёвингиз баҳорда қирга буғдой экиб, кузда сизга от олиб бермоқчи (Латифалар). Чорбоғда тиллакори кўшк курганингизда кўргансиз... (П.Қодиров). Бу гапларда эммоқ, курмоқ феълларининг ўрин ифодаловчилари жўналиш келишигидаги қир ва ўрин келишигидаги чорбоғ сўзларидир.

Ўрин ифодаловчиси қайси келишикда келиши мумкинлигига кўра феълларни куйидаги гурухларга ажратамиз.

1. Ўрин ифодаловчилари ўрин келишигига келиши мумкин бўлган юмуш феъллари: **тиқмоқ**, **сотмоқ**, **соғмоқ**, **сузмоқ**, **куймоқ**, **тўқимоқ**, **ясамоқ**, **очмоқ**, **юкламоқ**, **чопмоқ**, **ювмоқ**, **қулфламоқ**, **қайрамоқ**. Масалан: Зумрадбиби бостирмада сигир соғяпти (Х.Ғулом). Қайнонангиз дарё лабида кир ювиб ўтириб сувга тушиб кетибди (Латифалар). Бу гапларда **соғмоқ**, **ювмоқ** феълларининг ўрин ифодаловчилари ўрин келишигидаги бостирма ва дарё лаби сўзларидир.

2. Ўрин ифодаловчилари жўналиш ва ўрин келишигига келган юмуш феъллари: **эммоқ**, **сепмоқ**, **ёймоқ**, **солмоқ**, **ёзмоқ**, **курмоқ**, **ташламоқ**, **беламоқ**, **кўммоқ**, **ортмоқ**. Масалан: Йўлакларга сув сепилган...(А.Қодирий)...бу қўргонларни ўз шахримга элтиб курмагунимча, менинг суюгим тинчимайди (Ўзбек халқ оғзаки ижоди). Бу гапларда **сепмоқ**, **курмоқ** феълларининг ўрин ифодаловчилари жўналиш келишигидаги **йўлак**, **шахар** сўзларидир.

3. Ўрин ифодаловчилари чиқиш ва ўрин келишигига келган юмуш феъллари: **узмоқ**, **термоқ**, **тутмоқ**, **сурмоқ**, **олмоқ**, **ўрмоқ**. Масалан... ҳар гектар ердан ўн тонналаб тузни суриб чиқарибмиз (Х.Ғулом). Бир куни афанди ҳовуздан сув олаётби...(Латифалар). Бу гапларда **сурмоқ** ва **олмоқ** феълларининг ўрин ифодаловчилари чиқиш келишигидаги ер ва ҳовуз сўзларидир.

Ҳар бир грух феълларининг ўрин ифодаловчилари кўрсатилган келишикда бўлиши мумкин ва бошқа келишикда реаллашмайди. Чунки бу уларга мантиқан тўғри келмайди.

Юмуш феълларининг ўрин ифодаловчилари келишиклар билан бирга кўмакчи отлар билан ҳам ифодаланиши мумкин. “Кўмакчили нутқ бирликларида ҳолат (ҳаракат ҳам) юз берган сатҳ анча аниқлашиб туради”. Бунда ўрин актантлари конкрет бир жой маъносини ифодалайди.

Улар от + кўмакчи кўринишида бўлар экан, ўша отга нисбатан қаерда, қай ҳолатда эканлиги жуда аниқ кўрсатилади. Масалан:...тақа мўйловли эса уй ичидаги майда мих билан деворга сим қоқарди (Ў.Усмонов). Кейин бу тахталар устига беда боғларини баланд қилиб ташлаб ташлади (П.Қодиров). Болалар, мана бу кўча бошида ёнгок қоқиляпти (Латифалар). Бу гапларда **қоқмоқ**, **тахламоқ**, **қоқмоқ** феълларининг ўрин ифодаловчилари **уй ичидаги**, **тахталар устига**, **кўча бошида** каби сўз бирикмаларидир. Улар ичидаги, устига, бошида кўмакчи отлари орқали

иш-ҳаракатнинг ўрин маъносини умумийликдан хусусийликка айлантирган, янада аниқроқ ифодалашга ёрдам берган.

Юмуш феъллари амалий ҳаракатларни ифодалайди. Уларнинг кўпчилиги инсоннинг кундалик шуғулланадиган иш-ҳаракати бўлиб, аксарият, ҳовли-жойга тааллуқли ўрин ифодаловчиларига эга бўлади: ўчоқбоши, сўри, том, ошхона, зинапоя, бостирма, ҳовли, кўшк, ертўла, айвон каби. Масалан: Ҳадича хола супага кизил шолча ва янги атлас кўрпача солди (А.Қаххор). Ҳанифа ўчоқбошида ош дамлар, Чўлбобо ҳамон боғда ишлар эди (Х.Ғулом). Афанди ўйдан бир ҳамён тангани кўтариб чиқиб...(Латифалар). Мажаллардан беш-ўнта бола йиғди ва енг шимариб, мактабдорликни бошлиди (А.Қодирий). Бу гапларда солмоқ, дамламоқ, соғмоқ, кўтармоқ, йиғмоқ феълларининг ўрин ифодаловчилари одамлар яшаб, кун кўрадиган жой маъносидаги куйидаги сўзлардир: супа, ўчоқбоши, бостирма, уй, маҳалла.

Баъзи ўрин ифодаловчилари эса кишиларнинг меҳнат фаолияти билан боғлиқ бўлган жойлар бўлиб, улар қуида-гилардир: ишхона, ферма, тегирмон, мактаб, вокзал, бозор, қушхона ва ҳокозо. Масалан: Ойим бўлса уйимиздан уч юз метр наридаги фермада сигир соғади (Х.Тўхтабоев). Қозон вокзалида Мирзачўлга кетаётгандарининг махсус вагони составга уланди (Х.Ғулом). Бир куни отаси билан эшакка ун юклаб тегирмонга кетаётган эди (Латифалар). Бу гапларда соғмоқ, уламоқ, юкламоқ феълларининг ўрин ифодаловчилари касб-хунар билан боғлиқ жойни билдирувчи ферма, вокзал, тегирмон сўзларидир.

Йигилган мисолларда энг кўп учрайдиган ўрин ифодаловчиси-бу 'ер' узвига эга бўлган сўзлардир. Куйидаги сўзлар шулар жумласидандир: чўл, чукур, ер, боғ, кир, дала, Мирзачўл, жой, тоғ ва ҳоказо.

Масалан: Сиддиқжон далага уруғлик ва гўнг элтиб, ҳосил келтиради (А.Қаххор). Чўлда янги ерлар очяпмиз (Х.Ғулом). Ҳар гектар ердан тонналааб тузни суриб чиқарибмиз (Х.Ғулом). Бу гапларда элтмоқ, очмоқ, сурмоқ феълларининг ўрин ифодаловчилари дала, чўл, ер сўзларидир.

Юмуш феълларининг ўрин валентлиги сув ҳавзлари билан боғлиқ сўзлар орқали ифодаланиши мумкин. Масалан:...шўрни зовурга ағдарамиз (Х.Ғулом). Бир куни Афанди ҳовуздан сув олаётиб, кўзасини сувга тушириб юборди (Латифалар).

...Сиддиқжон анҳорнинг нариги ёғида анжир очаётган бўлиб, қизни кузатиб турган эди (А.Қаҳҳор). Бу гаплардаги **ағдармоқ, олмок, очмоқ** феълларининг ўрин ифодаловчилари сув ҳавзасини билдирувчи зовур, ҳовуз сўзлари ва **анҳорнинг нариги ёғи** сўз бирикмасидан иборат.

Баъзи гапларда ўрин валентлиги ўрин равиши орқали ифодалангандек. Бунд ўрин-жой маъноси от орқали ифодалангандек караганда мавхумроқ бўлади. Масалан: Товоқни нари сурдим (Ў.Ҳошимов). Душманни орқага сурга бошладилар (М.Осим). Узок-яқиндан мол боқишига келган болалар шу ерда йиғилиб... (Ў.Ҳошимов). Бу гапларда **сурмоқ, боқмоқ** феълларининг ўрин ифодаловчилари **нари, орқа, узок-яқин** равишлиари бўлиб, улар турли келишикларда келган.

Юмуш феълларининг барча валентликларида бўлгандек, ўрин валентлигига ҳам шу актант олмош орқали ифодалангандек мисоллар учради. Уларда маълум ўрин-жойга ишора берилади. Табиийки, бунда ўрин маъноси мавхум ифодаланади. Масалан: баъзи жойларга тўрт-беш мартараб чигит экишибди азаматлар (Ў.Усмонов). Мана шу ерга Анвар Аканга уй солиб берамиз. (А.Қодирий)

Бу гапларда **эмок, солмоқ** феълларининг ўрин ифодаловчилари баъзи жой, мана шу ер олмошлариdir.

Юқорида таҳлил қилган мисолларимизда ўрин ифодаловчилари вазифасида 'жой' ва 'сатҳ' маъносини билдирувчи ёки унга ишора қилувчи сўзлар келган. Шу билан бирга 'нарса' узвли сўзлар ҳам ўрин валентлиги ифодаловчиси бўлиши мумкин. Улар ўрин, жўналиш ва чиқиш келишигига келиб, ўрин-жой маъносини ифодалайди. 'Нарса' узвли ўрин ифодаловчилари қуидагилардир: **ўрик, шоҳ, қўйин, қўра, бешик, тандир, ёқа** каби. Масалан: Тушган чўғларни кўрага терди (Х.Ғулом). Анвар оғаларининг бир эски бешигига тўққизинчи кун беланди эмас, тиқилди (А.Қодирий). ...тандирдан гижда нон узаётган новвойнинг олдида тўхтаб.. (Латифалар). Бу гапларда **термоқ, беламоқ, узмоқ** феълларининг ўрин ифодаловчилари жўналиш келишигидаги қўра ва **бешик** ҳамда чиқиш келишигидаги **тандир** сўзларидир. Турли келишикларда ифодаланар экан, бу сўзлар иш-ҳаракат амалга оширилаётган жой маъносини билдиради.

Хуллас, юмуш феълларининг ўрин валентлиги ўрин, чиқиш ва жўналиш келишиклари орқали ифодаланади. Баъзан от кўмакчилар

ёрдамида реаллашади ва бу ўрин маъносини янада аникрок ифодалашга хизмат қиласди.

Ўрин валентлиги 'сатҳ', 'уй-жой', 'корхона', 'ер', 'сув ҳавзаси' каби ўрин-жой маъносидаги узвлари бўлган сўзлар билан ифодаланади. Батъзан эса 'нарса' узвли сўзлар ҳам ўрин, жўналиш ва чиқиш келишикларида келиб ўрин-жой маъносини билдириши мумкин.

Ўрин валентлиги от, равиш ва олмош сўз туркумлари орқали ифодаланади.

## **УМУМИЙ ХУЛОСА**

Юмуш феълларининг валентлигини тадқик этиш натижалари куйидаги хуласаларга олиб келади:

1. Юмуш феъллари агенс, контрагент, объект, пациент, восита, адресат ва ўрин валентликларига эга эканлиги билан характерланади.

2. Юмуш феълларининг агенс валентлиги асосан шахс билдирувчи от, олмош, сифат, сон, равиш каби туркумга оид сўзларда: агар шахс билдирмаса ҳам, мажозий маънога эга бўлган, моҳиятида 'шахс' узви ётган отларда юзага чиқади. Сифат, сон, равиш туркумидаги сўзлар эса отлашган ҳолда учрайди.

3. Юмуш феъллари гапда кесим бўлиб келса, агенс эга вазифасини бажаради. Агар у мажхул нисбатда ёки сифатдош, ҳаракат номи, равишдош вазифаси шаклида қўлланса, уни юзага чиқарувчи сўз гапда бошқа вазифада келиши кузатилади.

4. Юмуш феълларининг контрагенти доимо шахс билдириши, қайси туркумда ифодаланиши жиҳатидан агенсга ўхшаб кетади. Лекин гапда қандай вазифадаги бўлакда юзага чиқиши билан фарқ қиласи. У деярли доим воситали тўлдирувчи вазифасида келади.

5. Юмуш феълларининг контрагент валентлиги облигатор бўлмай, факультатив характерга эга. У жуда кам ҳолларда нутқда юзага чиқади.

6. Юмуш феълларининг объект валентлиги буюм ва шахс билдирувчи от, сифат, сон, олмош туркумига оид сўзларда юзага чиқади. Юмуш феъллари гапда кесим бўлиб келса, объект деярли воситасиз тўлдирувчи вазифасида, юмуш феъллари мажхул нисбатда бўлса, объект эга вазифасида ҳам келиши мумкин.

7. Юмуш феъллари ҳаракат номи ва сифатдош вазифаси шаклларида қўлланса, объект актанти гапда бошқа вазифаларда ҳам кузатилади. Объект валентлиги облтгатор валентликдир.

8. Юмуш феълларининг пациент валентлиги деярли доим воситасиз тўлдирувчи вазифасида юзага чиқиб, от, сифат, сон, олмош туркumlари билан ифодаланиши кузатилади. Феъл мажхул нисбатда ёки ҳаракат номи ва сифатдошлик вазифаси шаклларида қўлланганда, пациентнинг ҳам гапдаги вазифаси ўзгариб кетади.

9. Юмуш феълларининг агент, контрагент, объект, пациент октантларигина феълнинг нисбати ва қайси вазифа шаклида кўлланганига қараб гапдаги вазифасини ўзгартиради. Бу ҳол феълнинг маълум шаклда кўлланиши шу феълнинг валентликлари билан, валентликлари эса унинг бирон шаклда юзага чиқкан маъноси билан боғлиқ бўлишини кўрсатади.

10. Восита валентлиги маъносига кўра восита ва куролни билдиради. Гапда воситали тўлдирувчи вазифасида келади. Восита октанти асосан от туркумида ифодаланиб, нарса, куролни билдиради. У феъл томонидан билан кўмакчиси ва ўрин, жўналиш келишиги ёрдамида бошқарилади.

11. Восита октанти феълнинг қанақа шаклда келишидан қатъий назар ҳоким бўлагига нисбатан гапнинг қандай бўлагида ифодаланиши ўзгаришсиз қолаверади.

12. Адресат валентлиги юмуш феълларининг факультатив валентлигидир. Юмуш феъллари ўз ҳолида адресат талаб этувчи ва бермоқ кўмакчи феъли билан таркибли феъл ҳолида адресат талаб қилувчи феълларга бўлинади. Улар гапда воситали тўлдирувчи вазифасида келади. Улар от, олмош ва отлашган сўзлар билан ифодаланади.

13. Юмуш феълларининг ўрин валентлиги факультатив валентлиқдир. У ўрин жўналиш, чиқиш келишиклари от кўмакчилар ёрдамида реаллашади. Ўрин ифодаловчилари от, равиш ва олмош сўз туркumlари орқали ифодаланади.

14. Юмуш феълларининг қайд этилган агент, контрагент, объект, пациент, восита, адресат ва ўрин валентликлари унинг семантикаси билан боғлиқ ҳолда мавжуддир. Шунинг учун ҳам унинг семантик валентликлари деб қаралади.

15. Юмуш феълларининг агент, объект, пациент ва восита валентликлари зарурий валентлик ҳисобланади.

16. Юмуш феълларининг кўрсатилган семантик валентликлари унинг семантик тузилиши билан боғлиқдир, шунинг учун ҳам у барча тилларда бирдай намоён бўлади, яъни байналмилал характерга эга.

17. Юқорида қайд этилган юмуш феъллари семантик валентликларининг гапда қандай шаклда намоён бўлиши ҳар бир тилнинг ўзига хос бўлиб, ушбу ишда муаллиф фақат ўзбек тилига хос томонларини тадқиқ этиб кўрсатган. Шунинг учун у миллий характерга эга.

## ФОЙДАЛАНИЛГАН АДАБИЁТЛАР РЎЙХАТИ

1. Абдурахмонов И. Полисемия и антонимия прилагательных протяженности в современном узбекском литературном языке. Автореф. дис...канд. филол. наук.-Ташкент. 1973.
2. Абилова Н.С. Вид глагола и семантика глагольного слова.-М.: Наука. 1976.
3. Априсян Ю.Д. Лексическая семантика. Синонимические средства языка. М.: Наука, 1974.
4. Гак В.Г. Сопоставительная лексикология.-М.: Между-нар.отношения, 1977.
5. Каримжонова В. Лексемаларнинг бошқарув боянишида юза ифода этувчи классема // Ўзбек тили ва адабиёти.-1993, № 3.-Б.
6. Конюнов А.Н.Грамматика современного узбекского литературного языка.-М.-Л.: ИАН, 1960.
7. Кучкартаев И. Валентный анализ глаголов речи в узбекском языке. Ташкент: Ўқитувчи, 1977.
8. Махмудов Н. Эллипсис в узбекском языке: Автореф. дис. канд. филол. наук.- Ташкент, 1978.
9. Махмуд Кошгари. Девону лугатит турк. -Ташкент: ЎзССР Фанлар Акад. Нашр., 1960.
10. Махмудов Н. Ўзбек тилидаги содда гапларда семантик-синтаксик асимметрия.-Ташкент: Ўқитувчи, 1984.
11. Медникова Э.М. Значение слова и его описание. -М.:Высш. Шк., 1974.
12. Миртоғиев М. Мажхул нисбат масаласи // Ўзбек тили ва адабиёти. – 1975.-№ 2. –Б.
13. Миртоғиев М. Ўтимлилик ва орттирма нисбат категорияси // Ўзбек тили ва адабиёти. – 1982. -№ 4.
14. Миртоғиев М. Ўтимлилик ва орттирма нисбат категорияси // Ўзбек тили ва адабиёти. – 1983 -№ 2 .
15. Нигматов Х.Г. Залоги глагола в восточнетюркских языках XI-XII веков // Сов. Тюркология. – 1973. - № 1.
16. Расулов Р. Ўзбек адабий тилидаги холат фельлари ва уларнинг облигатор валентликлари. - Ташкент; Фан, 1989.
17. Расулов И. Ҳозирги ўзбек адабий тилида бир составли гаплар. – Ташкент: Фан, 1974.
18. Раҳматуллаев Ш. Лексема ва фразема маъносини компонент таҳлилнинг баъзи натижалари // Ўзбек тили ва адабиёти. – 1972. - № 3.
19. Раҳматуллаев Ш., Юнусов Р. Семаларнинг семалар состави ва семантик бояниши масаласи // Ўзбек тили ва адабиёти. – 1974. - № I.
20. Садыкова М. Слова обозначенные цвет и окраску в узбекском языке: Афореф. дис. ...канд. филол. наук. –Ташкент, 1963.
21. Солнцев В.М. Язык как системно-структурное образование. -М.: Наука, 1971.
22. Соссюр Ф. Курс общей лингвистики. -М.: 1933.
23. Степanova М.Д., Хельбиг Г. Чести речи и проблема валентности в современном немецком языке. - М.: Высш. Шк., 1978.
24. Турсунов У., Мухторов Ж. Ўзбек тилида феъл даражалари тўғрисида // ТР. УзГУ. Нов. Сер. - № 63.
25. Усмонов С. Умумий тилишнослик. – Ташкент: Ўқитувчи, 1972.
26. Шукуров И.Эллипсис сабабли отларда нуткий мето-нимиялар содир бўлиши // Ўзбек тили ва адабиёти. – 1982. - № 3.
27. Юнусов Р. Полисемия и синонимия имен существительных места в современном узбекском языке: Автореф. дис. ....канд. филол. наук. –Ташкент, 1973.
28. Гуломов А., Аскарова М. Ҳозирги замон ўзбек тили. Синтаксис.-Ташкент: Ўрта ва олий мактаб, 1961.
29. Ҳакимов Қ.М. Содда гап қолипли фразеологизмларда семантик валентликлар: Филол. фанлари номзоди... дис. автореф. – Ташкент, 1994.
30. Ҳожиев А. Ўзбек тилида кўмакчи феъллар.-Ташкент: Фан, 1966.

## **МУНДАРИЖА**

Сўз боши.....	3
Юмуш феълларининг агенс валентлиги ва унинг ифодаланиши.....	8
Юмуш феъли турли нисбатларда келганда агенснинг гапдаги вазифаси.....	14
Юмуш феъллари функционал формаларда келганда агенснинг гапдаги вазифаси.....	18
Юмуш феълларида объект валентлиги.....	25
Объект ифодаловчисининг турли келишикларда келиши.....	36
Юмуш феъллари функционал формаларда келганда объект ифодаловчисининг вазифалари.....	38
Юмуш феъллари турли нисбатларда келганда объект ифодаловчисининг гапдаги вазифаси.....	41
Юмуш феълларида пациент.....	43
Восита валентлиги ва унинг ифодаланиши.....	46
Адресат валентлиги ва унинг ифодаланиши.....	56
Ўрин валентлиги ва унинг ифодаланиши.....	62
Умумий хулоса.....	68
Фойдаланилган адабиётлар рўйхати.....	70

**Ў. ШАРИПОВА**

# **ЮМУШ ФЕЪЛЛАРИНИНГ МАЪНО ВАЛЕНТЛИКЛАРИ**

**(Ўқув қўлланма)**

Босишига руҳсат этилди 03.02.2012 йил. Бичими 60x84 <sup>1/16</sup>.

«Times Uz» гарнитураси. Офсет усулида босилди.

Шартли босма табори 4,75. Нашр босма табори 4,5.

Тиражи 100. Буюртма № 194.

**«Fan va texnologiyalar Markazining bosmaxonasи» да чоп этилди.  
100066, Тошкент шаҳри, Олмазор кўчаси, 171-уй.**